

歷代名家尺牘

隋唐尺牘

上海文書局印行

上海图书馆藏书



A541 212 0023 2028B

歷代名家尺牘例言

書啓牋簡名目不一綜覈義實各有隸屬茲從周氏尺牘新鈔吳氏昭代尺牘例以定厥名較爲普通

本編之選注重文學專集總集刊本抄本博覽約取甄錄綦嚴

自周迄清年歷綿遠由質趨文由簡趨繁風會使然各有佳妙不得歧視每編簡首附以小傳論世知人不無裨益

言理言情言事論古論政論文短長兼錄駢散並收一編之中無體不備

評論陋習未敢因依祇加圈點利便誦讀見仁見知會心不遠是在善學

刊本相沿魯魚亥豕不無訛奪一字之類一句之疵灼知其誤或勇改之或逕刪之要以無碍上下語氣爲斷

卷頁多少各編不同或合數代爲一編或分一代爲上下卷短祚之朝采錄不多



歷代名家尺牘 例言

以次附後要於應有盡有

歷代名家尺牘

隋唐尺牘序

隋及唐初文學有沿而無創綺麗之作瓣香齊梁笙磬同音四傑崛起才調縱橫摩壘徐庾不廢江河萬古流少陵所爲驚歎者也昌黎氏興矯八代之製成一家之言振靡式浮以力返於古博大昌明無思不精無體不備（按韓文偶句甚多）其與鄂州柳公綽兩書雖搏兔而亦用全力焉柳州與之齊名鍊字鍊句鍊局以峭潔名而賀王進士失火一書開後世詼諧一派文人狡獪無施不可亶其然乎溫李後殿風華典雅麗而有則論者謂擷腴齊梁流風遺韻若與唐相終始焉茲編所選駢散各半亦以見二體之不容偏廢也重韓柳而輕王楊適成其爲一孔之士而已

民國十六年五月吳興王文濡識

隋唐尺牘序

隋唐尺牘目錄

遺史祥書 與釋智顛書 以上隋煬帝 遺崔蹟書 與逸人王真書 以上隋齊

王暕 答魏收書 隋李德林 上牛弘書 隋王孝籍 貽仙城慧命禪師書 隋戴

逵 答豫章王書 隋崔蹟 在絳州與子弟書 隋韋世康 弔延法師書 隋薛道

衡 答皇太子廣書 隋史祥 與樊子蓋書 隋楊玄感 賜許紹敕書 唐高祖

遺蕭德言書 唐太宗 答馮子華處士書 答刺史杜之松書 以上唐王績 答

王績書 唐杜之松 招道士徐鳴客書 唐李密 上秦王書 唐薛收 與徐世勣

書 唐魏徵 上從舅侍郎啟 再上皇甫常伯啟 以上唐王勃 答員半千書

與親情書 與程將軍書 以上唐駱賓王 與在朝諸賢書 唐盧照鄰 與郭仲

翔書 唐吳保安 與吳保安書 唐郭仲翔 答李清河書 上高長史述和詩啟

以上唐李嶠 答勸置田園札 唐張嘉貞 上薛令文章啟 唐陳子昂 與褚先生

書 與營州都督弟書 以上唐張說 與御史高昌宇書 唐王洽然、與盧藏用

書 唐毛傑 答巖給事書 唐張九齡 與工部李侍郎書 山中與裴迪秀才書

以上唐王維 爲李中丞與虢王書 唐蕭穎士 與韓荊州書 唐李白 別湖州

崔使君書 唐朱灣 與黜陟使柳諫議書 唐權德輿 上張僕射書 答陳商書

與鄂州柳公綽中丞書 又與鄂州柳公綽中丞書 以上唐韓愈 與裴墳書

上湖南李中丞啟 答韋珩示韓愈相推以文墨事書 與顧十郎書 賀趙

江陵宗儒辟符載啟 賀進士王參元失火書 以上唐柳宗元 謝竇相公啟

與柳子厚書 謝僕射李相公啟 以上唐劉禹錫 謝李巽常侍書 唐符載 貽

太常博士書 唐陳商 上韓昌黎書 唐張籍 答獨孤舍人書 與陸儉書 以上

唐李翱 答李生第一書 唐皇甫湜 上韓吏部書 唐林簡言 與馮陶書 與

孺顏上人書 以上唐沈亞之 賀裴相公破淮西啟 唐元稹 與元微之書 答

戶部崔侍郎書 以上唐白居易 答莊充書 唐杜牧 與賈希逸書 與王霖秀

才書 與友人論文書 與高錫望書 以上唐孫樵 上河東公啟 上李舍人
狀 爲絳郡公上崔相公啟 以上唐李商隱 謝紇干相公啟 投憲丞啟 以上
唐溫庭筠 與段校理書 唐劉巖夫 寄溫飛卿葫蘆管筆往復書 唐段成式
謝賜錢啟 唐胡曾 與李生論詩書 與臺丞書 貽王進士書 以上唐司空圖
與蔣先輩啟 唐黃滔 河中辭令狐相公啟 投同州楊尙書啟 答賀蘭友
書 謝湖南于常侍啟 以上唐羅隱 報西川王建書 後唐太祖 諭兗鄆羣盜
書 讓契丹阿保機書 以上後唐莊宗 復方訥書 爲蕭給事與楚王書 答
林正字書 以上南唐徐鉉

隋唐尺牘目錄

隋唐尺牘目錄終

隋唐尺牘作者小傳

隋煬帝姓楊氏名廣小字阿麼文帝第二子文帝廢太子勇而立廣既而悔之廣遂弑文帝卽位耽奢侈廣土木造西苑置離宮四十餘所南巡至江都爲宇文化及所弑在位十二年卒諡煬

齊王暕字世拙煬帝第二子開皇中封豫章王授內史令煬帝卽位遷豫州牧進封齊王從幸江都爲宇文化及所害

李德林隋安平人字公輔北齊天保中舉秀才累官通直散騎侍郎典機密周武帝克齊授內史上士後佐高祖定大計及卽位授內史令陳平授柱國爵郡公被讒出爲懷州刺史卒諡文

王孝籍隋平原人少好學開皇中召入秘書助王劭修國史劭不之禮鬱鬱不得志後歸鄉里以教授終

戴逵隋濟北人嘗仕梁

崔躋隋安平人字祖濬開皇初授協律郎大業中奉詔撰區宇圖志東征記後除越王長史宇文化及弑帝引爲著作郎稱疾不起卒

韋世康隋杜陵人年十歲州辟主簿仕魏歷周進位上開府開皇中拜荊州總管卒於州謚曰文

薛道衡隋汾陰人字玄卿仕周官邛州刺史文帝受禪除內史舍人後爲內史侍郎進上開府煬帝卽位深忌之賜死

史祥隋朔方人字世休仕周爲太子車右中士文帝踐阼領交州煬帝時進位上大將軍以從征遼東失利除名爲民尋拜燕郡太守爲高開道所獲送於羅藝道卒

楊玄感隋華陰人以父軍功位至柱國拜郢州刺史轉宋州刺史煬帝卽位拜鴻

臚卿襲爵楚國公遷禮部尙書後因帝猜忌日甚內不自安潛謀廢帝立秦王

浩帝征遼東遂舉兵反敗死

唐高祖姓李氏名淵字叔德隴西成紀人代隋稱帝國號唐都長安在位九年傳位太子世民自稱太上皇貞觀九年崩

唐太宗高祖次子名世民隋末天下大亂勸高祖舉兵成統一之業封秦王卽位後銳意圖治去奢輕賦寬刑整武爲唐令主

王績唐太原祁人字無功隋末爲六合丞棄官歸種黍蒔藥釀酒自供武德時待詔門下省官給酒一斗飲至五斗不亂自號五斗先生有東皋子集

杜之松唐博陵曲阿人仕隋爲起居舍人入唐爲河中刺史

李密唐襄平人字玄邃一字法主初爲隋煬帝宿衛謝病去楊玄感起兵密爲之謀主以不能用其策而敗與翟讓據洛口稱魏公爲王世充所敗歸唐拜光祿卿以失望復叛盛世彥討斬之

薛收道衡子字伯襲年十二能屬文高祖時官秦王府主簿授天策府記室參軍

從平劉黑闥封汾陰縣男武德中卒年僅三十三

魏徵唐曲城人字玄成太宗時拜諫議大夫檢校侍中孔穎達等撰周隋史受詔總加撰定多所損益時稱良史書成進左光祿大夫封鄭國公卒諡文貞

王勃唐絳州龍門人字子安六歲善文詞父爲交趾令勃往省視道過南昌會都督閻公宴客於滕王閣勃卽席作序閻公歎爲天才後渡海溺死勃與楊炯駱賓王盧照隣齊名號爲初唐四傑著有王子安集

駱賓王唐義烏人七歲能賦詩工文章武后時爲臨海丞棄官去徐敬業起兵討武后賓王爲作檄文后見之歎曰有如此才坐使流落不遇宰相之過也敬業敗亡命不知所之有駱丞集

盧照隣唐范陽人字昇之官至新都尉病去官居太白山後疾甚手足攣廢因居具茨山下著五悲文以自明病旣久自沈潁水著有盧昇之集

吳保安唐魏州人字永固睿宗時李蒙爲姚州都督討姚萇蠻保安以郭仲翔薦

得掌書記後仲翔被蠻人所執責千緡爲贖保安留雋州居貨十年得緡七百
乃求助於都督楊安居始得仲翔以歸及保安以彭山丞客死仲翔囊其骨歸
葬魏州

郭仲翔唐人李蒙爲姚州都督表爲判官與姚嵩蠻戰被執吳保安贖之凡十五
年乃還官蔚州錄事參軍以優遷代州戶曹後爲嵐州長史感保安之義迎其
子爲娶而讓以官

李嶠唐贊皇人字巨山第進士舉制策甲科累遷給事中以忤武后旨出爲潤州
司馬久乃召爲鳳閣舍人神龍中以特進同中書門下三品玄宗時坐事累貶
廬州別駕卒

張嘉貞唐猗氏人字嘉貞張循憲薦於武后爲監察御史開元中拜中書令善傳
奏敏於裁遣卒諡恭肅

陳子昂唐射洪人字伯玉舉進士拜麟臺正字轉右拾遺數上疏陳事詞皆典美

武攸宜爲建安王辟爲記室聖曆初解官歸縣令段簡聞其富欲害之因事收繫獄中憂憤而卒有陳拾遺集

張說唐洛陽人字道濟弱冠應詔舉累轉右補闕擢鳳閣舍人忤旨流欽州中宗卽位拜兵部侍郎弘文館學士景雲中遷中書侍郎知政事進中書令封燕國公爲姚崇所構出刺相州尋拜兵部尙書官至集賢院學士尙書左丞相卒諡文貞有張燕公集

王泠然開元進士官校書郎

毛傑唐荊州長林縣人一名欽又號雲夢子

張九齡唐曲江人字子壽景龍初擢進士開元中徵拜同平章事中書令玄宗生曰九齡進千秋金鑑錄具陳前古廢興之道帝賞異之李林甫爲相引牛仙客爲尙書預政事九齡不可帝怒以尙書右丞相罷政事卒諡文獻有曲江集

王維唐太原人字摩詰開元間擢進士第一歷監察御史累遷尙書右丞工草隸

善詩畫有別墅在輞川孤居二十年卒有王右丞集畫學秘訣

蕭穎士唐穎川人字茂挺舉開元進士對策第一補秘書正字史官韋述薦穎士
自代召詣史館待制以不屈李林甫更調河南府參軍事後授揚州功曹去官
卒門人共謚文元先生有蕭茂挺集

李白唐蜀之昌明人字太白生於青蓮鄉號青蓮居士天才英特賀知章見其文
歎爲謫仙言於玄宗供奉翰林後坐事長流夜郎遇赦得還代宗立以左拾遺
召而白已卒所爲詩高妙清逸與杜甫並稱詩宗有李太白集

朱灣唐西蜀人字巨川自號滄洲子貞元元和間爲李勉永平從事

權德輿唐洛陽人字載之有文名德宗聞其才召爲左補闕知制誥憲宗時累拜
禮部尙書同中書門下平章事徙刑部出爲山南西道節度使卒謚文有權文
公集

韓愈唐昌黎人字退之由進士累官刑部侍郎憲宗迎佛骨上表極諫貶潮州刺

史尋改袁州召拜國子祭酒轉吏部侍郎卒贈禮部尙書諡曰文宋元豐中追封昌黎伯門人李漢編其文爲昌黎先生集

柳宗元唐河東人字子厚少精敏絕倫爲文卓偉精緻第進士中博學鴻詞拜監察御史坐王叔文黨貶永州司馬徙柳州刺史卒有柳河東文集

劉禹錫唐中山人字夢得登貞元進士弘詞二科官監察御史以黨王叔文被貶久之召還再出爲播州刺史易連州又徙夔州後由和州刺史入爲主客郎中集賢直學士復刺蘇州再遷太子賓客會昌中加檢校禮部尙書卒有劉賓客文集外集

符載唐蜀人字厚之工詩初隱廬山後辟西川掌書記加授監察御史有詩集

陳商唐繁昌人字述聖登進士第會昌中以諫議擢知貢舉歷禮部侍郎與撰敬

宗實錄終秘書監有文集

張籍唐烏江人字文昌第進士爲太常寺太祝遷校書郎韓愈薦爲國子博士歷

水部員外郎主客郎中終國子司業有張司業集

李翱唐趙郡人字習之以進士爲國子博士國史館修撰性峭鯁嘗面折宰相李逢吉出爲廬州刺史後拜中書舍人歷山南東道節度使卒諡曰文有李文公集

皇甫湜唐新安人字持正元和中第進士官至工部郎中韓愈愛其才厚禮之文與李翱張籍齊名有皇甫持正集

林簡言唐福清人字欲訥大中進士官至漳州刺史

沈亞之唐吳興人字下賢學於韓愈工詩第元和進士官至殿中侍御史有沈下賢集

元稹唐河南人字微之元和元年舉制科對策第一拜左拾遺除監察御史分司東都元和末召拜膳部員外郎俄遷中書舍人未幾進同中書門下平章事太和

和中拜武昌節度使卒稹詩以平易勝與白居易齊名時稱元和體有元氏長

慶集

杜牧唐萬年人字牧之登進士及第歷殿中侍御史內供奉會昌中遷中書舍人爲文縱橫奧衍多切經世之務詩亦情致豪邁人號爲小杜以別於杜甫有樊川集

孫樵唐關東人字可之又字隱之大中進士授中書舍人僖宗幸岐隴時詔赴行在遷職方郎中上柱國樵嘗從韓愈游爲文刻意求奇而不及愈之自然高古有孫可之集

白居易唐下邳人字樂天元和進士遷左拾遺貶江州司馬後召還官至刑部尙書晚年放意詩酒號醉吟先生居香山稱香山居士文章精切尤工詩平易近人老嫗都解士人爭傳之雞林賈人售之於其國相率篇易一金卒諡曰文有白氏長慶集

李商隱唐河內人字義山又號玉溪生開成進士累官工部員外郎詩文瑰邁奇

古世號其詩爲西崑體有李義山集

溫庭筠唐并州人本名岐字飛卿舉進士不第官方城尉工詞章小賦與李商隱齊名號溫李作賦八叉手而八韻成人稱溫八叉有握蘭集金荃集漢南真稿段成式唐臨淄人字柯古以蔭爲校書郎博學強記多奇篇秘籍終太常少卿有西陽雜俎

胡曾唐邵陽人路巖爲西川節度使辟掌書記高駢鎮蜀又辟之時南詔蠻橫甚遺書不遜曾答書蠻屈伏由是箋奏皆出曾手有九疑圖經詠史詩安定集

司空圖唐虞鄉人字表聖咸通末進士景福中拜諫議大夫不赴隱居中條山王官谷作亭圖唐興節士文人名曰休休亭自號耐辱居士時寇賊殘暴獨不入王官谷士人恆依以避難朱全忠已篡召爲禮部尙書不起哀帝弑不食卒有司空表聖文集十卷詩品一卷

黃滔唐莆田人字文江乾寧進士光化中歷監察御史裏行充威武軍節度推官

詩清醇豐潤有黃御史集

羅隱唐新城人字昭諫工詩尤長於詠史然多所譏諷以故不第五代時仕吳越爲錢鏐從事節度判官副使有羅昭諫集兩同書

後唐太祖本西域突厥種姓朱耶氏名克用其父貞元中歸唐討賊有功因賜姓李黃巢陷京師克用率沙陀兵大破之封晉王子存勗卽位追諡武

後唐莊宗太祖長子名存勗小名亞子旣卽位北卻契丹東滅燕又滅梁後驕恣荒於政治伶人郭從謙謀反中流矢死在位四年

徐鉉南唐廣陵人字鼎臣仕南唐官至吏部尙書後隨李煜歸宋爲太子率更令精小學及篆隸與弟錯同有名於江左號大徐小徐有騎省集

隋唐尺牘

遺史祥書

隋煬帝

將軍總戎塞表。胡虜清塵。秣馬休兵。猶事校獵。足使李廣慚勇。魏尙愧能。冠彼二賢。獨在吾子。昔余濫舉。推轂治兵。振皇靈於塞外。驅犬羊乎大漠。於時同行軍旅。契闊戎旃。望龍城而衝冠。眄狼居而發憤。將軍英圖不世。猛氣無前。但物不遂。心僮俛從事。每一思此。我勞如何。將軍宿心素志。早同膠漆。久而敬之。方成魚水。近者陪隨。鸞駕言旋上京。本卽述職南蕃。宣條下國。不悟皇鑿曲發。備位少陽。戰戰兢兢。如臨冰谷。至如建節邊境。征伐四方。褰帷作牧。綏撫百姓。上稟成規。下盡臣節。是所願也。乃竊甘心。仰慕前修。庶得自效。其謬。入守神器。元良萬國。身輕負重。何以克堪。所望故人。匡其不逮。比監國多暇。養疾閑宮。厭北閣之端居。罷南皮之馳射。博望之苑。旣乏名賢。飛蓋之園。理乖終宴。親朋遠矣。琴書寂然。想望吾賢。疹

如疾首。

與釋智顛書

隋煬帝

弟子總持和南。爰逮高旨。騰蔣州僧所及。竊以僧居望刹。食惟分衛。所立精舍。本依聚落。近年奉詔專征。弔民伐罪。江東混一。海內又寧。塔安其堵。市不易業。斯亦智者備所明見。而亡殷頑民。不慚懷土。有苗恃險。敢恣螳螂。橫使寺塔。焚燒如比屋。流散鐘梵。輟響雞犬。不聞廢寺。同於火宅。持鉢略成空返。僧衆無依。實可傷歎。彼地福盡。方成丘墟。所餘堂塔。本不壞毀。其有現僧。亦許房住。唯虛廊檐宇。會當倒壓。所以移來。還充寺館。其外椽版。權借築城。若空寺步廊。有完全者。亦貸爲府解。須一二年間。民力展息。卽于上江結筏。以新酬故。本勒所司。具條孔目。無慮零漏。恐遠僧未能曲見。頓用仰誣。必願言提。冥諸其掌。猥延滿札。悚側良深。謹和南。

遺崔蹟書

隋齊王暕

昔漢氏西京。梁王建國。平臺東苑。慕義如林。馬卿辭武騎之官。枚乘罷弘農之守。

每覽史傳。嘗切怪之。何乃脫略官榮。棲遲藩邸。以今望古。方知雅志。彼二子者。豈徒然哉。足下博聞強記。鈎深致遠。視漢臣之三篋。似涉蒙山。對梁相之五車。若吞雲夢。吾兄欽賢重士。敬愛忘疲。先築郭隗之宮。常置穆生之醴。今者重開土宇。更誓山河。地方七百。牢籠曲阜。城兼七十。包舉臨淄。大啟南陽。方開東閣。想得奉飛蓋。曳長裾。藉玳筵。躡珠履。歌山桂之偃蹇。賦池竹之檀欒。其崇貴也。如彼。其風流也。如此。幸甚。幸甚。何樂如之。高視上京。有懷德祖。才謝天人。多慙子建。書不盡意。寧俟繁辭。

與逸人王真書

隋齊王暕

夫山藏美玉。光照廊廡之間。地蘊神劍。氣浮星漢之表。是知毛遂穎脫。義感平原。孫惠文詞。來遷東海。願循寡薄。有懷髦彥。籍甚清風。爲日久矣。未獲披覲。良深延遲。比高天流火。早應涼颿。陵雲仙掌。方承清露。想攝衛攸宜。與時休適。前園後囿。從容丘壑之情。左琴右書。蕭散煙霞之外。茂陵謝病。非無封禪之文。彭澤遺榮。先

有歸來之作。優游儒雅。何樂如之。余屬當藩屏。宣條揚越。坐棠餘訟。事絕詠歌。攀桂擣詞。眷言高遯。至於揚旌北渚。飛蓋西園。託乘乏應。劉置醴闕。申穆背淮之賓。徒聞其語。趨燕之客。罕值其人。卿道冠鷹揚。聲高鳳舉。儒墨泉海。詞章苑囿。棲遲衡泌。懷寶迷邦。徇茲獨善。良以於悒。今遣行人。且宣往意。側望起予。甚於飢渴。想便輕舉。副此虛心。無信投石之談。空慕鑿坏之逸。書不盡言。更慚詞費。

答魏收書

隋李德林

攝之與相。其義一也。故周公攝政。孔子曰周公相成王。魏武相漢。曹植曰如虞翼唐。或云高祖身未居攝。灼然非理。攝者專賞罰之名。古今事殊。不可以體爲斷。陸機見舜肆類上帝。班瑞羣后。便云舜有天下。須格於文祖也。欲使晉之三主。異於舜攝。竊以爲舜若堯死。獄訟不歸。便是夏朝之益。何得不須格於文祖也。若使用王者之禮。便曰卽眞。則周公負辰朝諸侯。霍光行周公之事。皆眞帝乎。斯不然矣。必知高祖與舜攝不殊。不得從士衡之謬。或以爲書元年者。當時實錄。非追書也。

大齊之興。實由武帝。謙匿受命。豈直史也。比觀論者。聞追舉受命之元。多有河漢。但言追數受命之歲。情或安之。似所怖者元字耳。事類朝三。是許其一年。不許其元年也。案易黃裳元吉。鄭玄注云。如舜試天子。周公攝政。是以試攝不殊。大傳雖無元字。一之與元。無異義矣。春秋不言一年一月者。欲使人君體元以居。正蓋史之婉詞。非一與元別也。漢獻帝死。劉備自尊崇。陳壽蜀人以魏爲漢賊。寧肯蜀主未立。已云魏武受命乎。士衡自尊本國。誠如高議。欲使三方鼎峙。同爲霸名。習氏漢晉春秋。意在是也。且司馬炎兼并。許其帝號。魏之君臣。吳人并以爲戮賊。亦寧肯當塗之世。云晉有受命之徵。史者編年也。故魯號紀年。墨子又云。吾見百國春秋史。又有無事而書年者。是重年驗也。若欲高祖事謙。沖卽須號。令皆推魏氏。便是編魏年紀。魏事此卽魏末功臣之傳。豈復皇朝帝紀者也。陸機稱紀元立斷。或以正始。或以嘉平。束皙議云。赤雀白魚之事。恐晉朝之議。是并論受命之元。非止代終之斷也。公議云。陸機不論元者。是所未喻。願更思之。陸機以刊木著於虞

書。龕黎見於商典。以蔽晉朝正始嘉平之議。斯又謬矣。惟可二代相涉。兩史並書。必不得以後朝創業之迹。斷入前史。若然。則世宗高祖皆天保以前。惟入魏氏列傳。不作齊朝帝紀。可乎。此既不可。彼復何證。

上牛弘書

隋王孝籍

竊以毒螫嗜膚。則申旦不寐。飢寒切體。亦卒歲無聊。何則。痛苦難以安。貧窮易爲感。況懷抱之內。冰火鑠脂膏。腠理之間。風霜侵骨髓。安可齧舌緘唇。吞聲飲氣。惡呻吟之響。忍酸辛之酷哉。伏惟明尚書動哀矜之色。開寬裕之懷。咳唾足以活枯鱗。吹噓可用飛窮羽。芬椒蘭之氣。暖布帛之詞。許小人之請。開大君之聽。雖復山川。懸遠鬼神。在茲信而有徵。言無不履。猶恐拯溺遲於援手。救經緩於扶足。待越人之舟楫。求魯匠之雲梯。則必懸於槁樹之枝。沒於深淵之底矣。夫以一介貧人。七年直省。課稅不免。慶賞不沾。賣貢禹之田。供釋之之費。有弱子之累。乏強兄之產。加以老母在堂。光陰遲暮。寒暑違闕。關山超遠。鬻臂爲期。前途逾邈。倚閭之望。

朝夕已勤謝相如之病無官可以免發梅福之狂非仙所能避愁疾甚乎厲鬼人生異乎金石營魂且散恐筮予無徵齋恨入冥則虛緣恩顧此乃王稽所以致言應侯爲之不樂也潛鬢髮之內居眉睫之間子野未曾聞離朱所不見沈淪東觀留滯南史終無薦引永同埋殯三世不移雖由寂寞十年不調實乏知己夫不世出者聖明之君也不萬一者誠賢之臣也以夫不世出而逢不萬一此小人所以爲明尙書幸也坐人物之源運銓衡之柄反披狐白不好緇衣此小人爲明尙書不取也昔荆玉未剖刖卞和之足百里未用碎禽息之首居得言之地有用能之資增日月之明無手足之戚憚而弗爲孰知其解夫官或不稱其能士或未申其屈一夫竊議語流天下勞不見圖安能無望儻病未及死往還克念眇窮愁之簡屬離憂之詞託志於前修通心於來哲使千載之下哀其不遇追咎執事有點清塵則不肖之軀死生爲累小人之罪方且未刊願少加憐愍留心無忽

貽仙城慧命禪師書

隋戴逵

竊以涓清涇濁。共混朝宗之源。松長箭短。同秉堅貞之質。幸賴含靈五常。理宜範圍三教。是以闕里儒童。闡禮經於洙濟。苦縣迦葉。遷妙道於流沙。雖牢籠二儀。蓋限茲一世。豈如興正法於鹿苑。蕩妄想於鷲山。半滿旣陳。權實斯顯。誠教有淺深。人無內外。禪師德聲遠震。行高物表。攝受四依。因牧羊而成誦。負笈千里。歷龍宮而包括。故能內貫九部。總雪山之祕藏。外該七略。備璧水之典墳。支遁天台之銘。竺眞羅浮之記。曇賦七嶺。汰詠三河。寶師妙析。莊生璩公。著論袁集。若吞雲夢。如指諸掌。加以妙持浮戒。如護明珠。善執律儀。譬臨懸鏡。真羅云之密行。踵賓頭之福田。撫挹定水。便登覺觀。高蔭禪枝。將逾喜捨。是以不遠瀟湘。來儀沔陸。植杖龍泉。仍爲精舍。迴車駕首。卽創伽藍。鑿領安龕。詎假聚沙成塔。因山構苑。無勞布金買地。開士雲會。袂似華陰。法侶朋衝。衆齊稷下。禪室晨興。時芳杜若。支提暮啟。暫入桃源。香山梵響。將阮嘯而相發。日殿妙音。與孫琴而齊韻。紫蓋貞松。仍麾二辨。洪崖神井。卽瑩高心。故以才堪買山。德邁同輦。崇峯景行。牆仞懸絕。弟子業風鼓。

慮。欲。海。沈。形。泊。渚。宮。淪。覆。將。近。二。紀。晝。倦。坐。馳。夜。悲。愕。夢。未。能。忘。懷。彼。我。歸。軫。一。
乘。遣。蕩。曾。襟。朗。開。三。達。既。念。鼠。藤。彌。傷。鳥。繫。昔。在。志。學。家。傳。賜。書。五。禮。優。柔。三。元。
鑿。飫。頗。絕。韋。編。構。述。餘。緒。爰。登。羽。冠。搯。撫。百。家。及。乎。從。仕。留。連。文。翰。雖。未。能。探。龍。
門。而。梯。會。稽。賦。鷓。鷯。而。詠。鸚。鵡。若。求。其。一。介。亦。髣。髴。古。人。但。悟。深。聚。泡。情。悲。交。臂。
常。欲。蟬。蛻。俗。解。貪。味。真。如。一。日。郟。城。訊。修。隗。館。屈。膝。情。欣。係。轡。遇。同。進。履。未。盡。開。
襟。遽。嗟。飄。忽。尋。望。拂。衣。世。網。脫。屣。牽。絲。滄。浪。濯。纓。漢。陰。抱。甕。行。餐。九。轉。用。遣。幽。憂。
漸。悟。三。空。將。登。苦。忍。仙。梁。觀。玉。不。廢。從。師。深。澗。折。桃。無。妨。請。益。所。希。彌。天。勝。氣。乍。
酬。鑿。齒。雁。門。高。論。時。答。嘉。賓。冬。曖。如。春。願。珍。清。軌。室。邇。人。遐。彌。軫。襟。帶。餘。辭。殘。簡。
望。回。金。玉。

答豫章王書

隋 崔 躋

一昨伏奉教書。榮貺非恒。心靈自失。若乃理高象繫。管輅思而不解。事富山海。郭璞注而未詳。至於五色相宣。八音繁會。鳳鳴不足喻。龍章莫之比。吳札之論周頌。

詎盡揄揚郢客之奏。陽春誰堪赴節。伏惟令王殿下。稟潤天潢。承輝日觀。雅道邁於東平。文藝高於北海。漢則馬遷蕭望。晉則裴楷張華。雞樹騰聲。鵝池播美。望我清塵。悠然路絕。祖潛燕南。賡客河朔。情游本無意於希顏。豈有心於慕藺。未嘗聚螢映雪。懸頭刺股。讀論唯取一篇。披莊不過盈尺。況復桑榆漸暮。藜藿屢空。舉燭無成。穿楊盡棄。但以燕求馬首。薛養雞鳴。謬齒鴻儀。虛班驥阜。挾泰山而超海。比報德而非難。堙崑崙以爲池。匹酬恩而反易。忽屬周桐錫瑞。唐水承家。門有將相。樹宜桃李。真龍將下。誰好有名。濫吹先逃。何須別聽。但慈旨抑揚。損上益下。江海所以稱王。丘陵爲之不逮。曹植儻豫。聞高論則不隕。令名楊修。若叨在下。風亦詎虧。淳德無任荷戴之至。謹奉啟以聞。

在絳州與子弟書

隋 韋世康

吾生因緒餘。夙霑纓弁。驅馳不已。四紀于茲。亟登衰命。頻洩方岳。志除三惑。心愼四知。以不貪而爲寶。處膏脂而莫潤。如斯之事。頗爲時悉。今耄雖未及。壯年已謝。

霜早梧楸。風先蒲柳。眼闇更劇。不見細書。足病彌增。非可趨走。祿豈須多。防滿則退。年不待暮。有疾便辭。況孃春秋已高。溫清宜奉。晨昏有闕。罪在我躬。今世穆世文。並從戎役。吾與世冲。復嬰遠任。陟岵瞻望。此情彌切。桓山之悲。倍深常戀。意欲上聞。乞遵養禮。未訪汝等。故遣此及。興言遠慕。感咽難勝。

弔延法師書

隋 薛道衡

八月二十三日。薛道衡和南。俗界無常。延法師遷化。情深悲怛。不能已已。惟哀慕摧割。當不可任。法師弱齡捨俗。高蹈塵表。志度恢宏。理識精悟。靈臺神宇。可仰而不可窺。智海法源。可涉而不可測。同夫明鏡。屢照不疲。譬彼洪鐘。有來斯應。往逢道喪。玄維落紐。栖志幽巖。確乎不拔。高位厚禮。不能迴其慮。嚴威峻法。未足懼其心。經行冥坐。夷險莫二。戒德律儀。始終如一。聖皇啟運。像法重興。卓爾緇林。鬱爲稱首。屈宸極之重。伸師資之義。三寶由其弘護。二諦藉以宣揚。信足以追蹤澄什。超邁安遠。而法柱忽傾。仁舟遽沒。匪直悲纏四部。固亦酸感一人。師等杖錫挈瓶。

夙承訓導。升堂入室。具體而微。在三之情。理百恒慟。往矣奈何。無常奈何。疾礙不獲展慰。但深悲結。謹白書。慘愴不次。弟子薛道衡和南。

答皇太子廣書

隋史 祥

行人戾止。奉所賜。恩紀綢繆。形於文墨。不悟飛雪層冰之地。忽載三陽。毳幕韋韞之鄉。俄聞九奏。精駭思越。莫知啟處。祥少不學軍旅。長遇升平。幸以先人緒餘。備職宿衛。懼駑蹇無致遠之用。朽薄非折衝之材。豈欲追蹤古人。語其優劣。曩者王師薄伐。天人受脤。絕漠揚旌。威震海外。當此之時。猛將如雲。謀夫如雨。至若祥者。列於卒伍。預聞指蹤之規。得免逗遛之責。循涯揣分。實爲幸甚。爰以情喻。雷陳事方。劉葛信聖人之屈己。非庸人之擬議。何則。川澤之大。汗潦攸歸。松柏之高。薦蘿斯託。微心下悃。孟侯所知也。仰惟體元良之德。煥重離之暉。三善克脩。萬邦以正。斯固道高周誦。契洽商皓。豈在管蠡所能窺測。伏承監國多暇。養德怡神。咀嚼六經。逍遙百氏。追西園之愛客。眷南皮之出遊。疇昔之恩。無忘造次。祥自忝式遏。

載。罹。寒。暑。身。在。邊。隅。情。馳。魏。闕。每。至。清。風。夕。起。朗。月。孤。照。想。鳴。葭。之。啟。路。思。託。乘。於。後。車。塞。表。京。華。山。川。悠。遠。瞻。望。浮。雲。伏。增。潛。結。

與樊子蓋書

隋 楊玄感

夫建忠立義。事有多途。見幾而作。蓋非一揆。昔伊尹放太甲於桐宮。霍光廢劉賀於昌邑。此並公度內。不能一二披陳。高祖文皇帝。誕膺天命。造茲區宇。任璇璣以齊七政。握金鏡以馭六龍。無爲而至。化流垂拱。而天下治。今上纂承寶曆。宜固洪基。乃自絕於天。殄民敗德。類年肆眚。盜賊於是滋多。所在修治。民力爲之凋盡。荒淫酒色。子女必被其侵。耽玩鷹犬。禽獸皆離其毒。朋黨相扇。貨賄公行。納邪佞之言。杜正直之口。加以轉輸不息。徭役無期。士卒填溝壑。骸骨蔽原野。黃河之北。則千里無煙。江淮之間。且鞠爲茂草。玄感世荷國恩。位居上將。先公奉遺詔曰。好子孫爲我輔弼之。惡子孫爲我屏黜之。所以上稟先旨。下順民心。廢此淫昏。更立明哲。四海同心。九州響應。士卒用命。如赴私讎。民庶相趨。義形公道。天意人事。較然。

可知公獨守孤城。勢何支久。願以黔黎。在念社稷。爲心勿拘小禮。自貽伊戚。誰謂國家。一日至此。執筆潛泣。言無所具。

賜許紹敕書

唐高祖

昔在青衿。同游庠序。博士吳玉。其妻姓仇。追想此時。宛然在目。荏苒歲月。遂成累紀。且在安州之日。公家乃莅岳州。渡遼之時。伯裔又同戎旅。安危契闊。累葉同之。其閒游之處。觸事可想。雖盧綰與劉邦。同里吳質共曹丕。接席以今方古。何足稱焉。而公追視席之舊歡。存通家之曩好。明鑒去就之理。洞識成敗之機。爰自荆門。馳心絳闕。惠懷士庶。糾合賓寮。踰越江山。遠申誠款。覽此忠至。彌以慰懷。

遺蕭德言書

唐太宗

朕歷觀前代。詳覽儒林。至於顏閔之才。不終其壽。遊夏之德。不逮其學。惟卿幼挺珪璋。早標美譽。下帷閉戶。包括六經。映雪聚螢。牢籠百氏。自隋季板蕩。庠序無聞。儒道墜泥塗。詩書填坑窞。眷言墳典。每用傷懷。頃年已來。天下無事。方欲建禮作

樂。偃武脩文。卿年齒已衰。教將何恃。所冀才德猶茂。臥振高風。使濟南伏生。重在於茲。日關西孔子故顯。於當今。令聞令望。何其美也。念卿疲朽。何以可言。

答馮子華處士書

唐王績

乖別甫爾。已十餘年。誦采葛之詩。增其慨詠。夫人生一世。忽同過隙。合散消息。周流不居。偶逢其適。便可卒歲。陶生云。富貴非吾願。帝鄉不可期。又云。盛夏五月。跼腳北窗下。有涼風暫至。自謂是羲皇上人。嗟乎。適意爲樂。雅會吾心。吾河渚間有先人故田十五六頃。河水四繞。東西趨岸各數百步。古人云。河濟之濱。宜黍。況中州之腴乎。家兄鑒裁。通照。知吾縱恣散誕。不閑拜揖。糠粃禮義。錙銖功名。亦以俗外相待。不拘以家務。至於鄉族慶弔。閨門婚冠。寂然不預者。已五六歲矣。親黨之際。皆以山麋野鹿。相畜。性嗜琴酒。得盡所懷。幸甚幸甚。近復都盧棄家。獨坐河渚。結構茅屋。并廚。廡。總十餘間。奴婢數人。足以應役。用天之道。分地之利。耕耘樵。黍。穫而已。春秋歲時。以酒相續。兼多養鳧。廣牧雞豚。黃精白朮。枸杞薯蕷。朝夕

採。掇。以。供。服。餌。牀。頭。素。書。數。帙。莊。老。及。易。而。已。過。此。以。往。罕。嘗。或。披。忽。憶。弟。兄。則。渡。河。歸。家。維。舟。岸。側。興。盡。便。返。每。遇。天。地。晴。朗。則。於。舟。中。詠。大。謝。亂。流。趨。孤。嶼。之。詩。渺。然。盡。陂。澤。山。林。之。思。覺。瀛。洲。方。丈。森。然。在。目。前。或。時。與。舟。人。漁。子。分。潭。並。釣。俛。仰。極。樂。戴。星。而。歸。歌。詠。以。會。意。爲。巧。不。必。與。夫。悠。悠。之。閒。人。相。唱。和。也。孤。住。河。渚。傍。無。四。鄰。聞。雞。犬。望。煙。火。便。知。息。身。之。有。地。矣。近。復。有。人。見。贈。五。加。地。黃。酒。方。及。種。薯。蕓。枸。杞。等。法。用。之。有。效。力。省。功。倍。不。能。暇。修。渾。沌。並。常。行。之。裴。孔。明。雖。是。異。名。教。物。然。風。月。之。際。往。往。有。高。人。體。氣。兼。特。受。巧。性。思。若。有。神。自。作。素。琴。一。張。云。其。材。是。嶧。陽。孤。桐。也。近。攜。以。相。過。安。軫。立。柱。龍。脣。鳳。翮。實。與。常。琴。不。同。發。音。吐。韻。非。常。和。朗。吾。家。三。兄。生。於。隋。末。傷。世。櫻。亂。有。道。無。位。作。汾。亭。操。蓋。孔。子。龜。山。之。流。也。吾。嘗。親。受。其。調。頗。爲。曲。盡。近。得。裴。生。琴。更。習。其。操。洋。洋。乎。覺。聲。器。相。得。今。便。留。之。恨。不。得。使。足。下。爲。鍾。期。良。用。耿耿。吾。所。居。南。渚。有。仲。長。先。生。結。菴。獨。處。三十。載。非。其。力。不。食。傍。無。侍。者。雖。患。瘖。疾。不。得。交。語。風。神。肅。肅。無。俗。氣。攜。酒。對。飲。尙。有。

典型先生又著獨遊頌。及河渚先生傳。開物寄道。懸解之作也。時取翫讀。便復江湖相忘。吾往見薛收白牛溪賦。韻趣高奇。詞義曠遠。嗟峨蕭瑟。真不可言壯哉。邈乎揚班之儔也。高人姚義嘗語吾曰。薛生此文不可多得。登太行。俯滄海。高深極矣。吾近作河渚獨居賦。爲仲長先生所見。以爲可與白牛連類。今亦寫一本以相示。可與清溪諸賢共詳之也。亂極則治。王途漸亨。天災不行。年穀豐熟。賢人充其朝。農夫滿於野。吾徒江海之士。擊壤鼓腹。輸太平之稅耳。帝何力於我哉。又知房李諸賢。肆力廊廟。吾家魏學士亦申其才。公卿勤勤。有志於禮樂。元首明哲。股肱惟良。何慶如之也。夫思能獨放。湖海之士。才堪濟世。王者所須。所恨姚義不存。薛生已歿。使雲羅天網有所不該。以爲歎恨耳。吾比風痺發動。常劣劣不能佳。然煙霞山水。性之所適。琴歌酒賦。不絕於時。時遊人間。出入郊郭。暮春三月。登於北山。松柏羣吟。藤蘿翳景。意甚樂之。箕踞散髮。與鳥獸同羣。醒不亂行。醉不干物。賞洽興窮。還歸河渚蓬室。甕牖彈琴。誦書優哉。遊哉。聊以卒歲。首夏漸熱。足下何如也。

願動息多宜。黃頰之聚。何時暫忘。偶因南風。略示所懷。敬願珍厚。不一。王績白。

答刺史杜之松書

唐王績

月日博士陳龔至。奉處分借家禮。并帙封送。至請領也。又承欲相招講禮。聞命驚笑。不能已已。豈明公前眷。或徒與下走相知不熟也。下走意疎體放。性有由然。兼棄俗遺名。爲日已久。淵明對酒。非復禮義。能拘叔夜。攜琴惟以煙霞。自適登山臨水。邈矣忘歸。談虛語立。忽焉終夜。僻居南渚。時來北山。兄弟以俗外相期。鄉閭以狂生見待。歌去來之作。不覺情親。詠招隱之詩。惟憂句盡。帷天席地。友月交風。新年則柏葉爲樽。仲秋則菊花盈把。羅含宅內。自有幽蘭。數叢孫綽庭前。對長松一樹。高吟朗嘯。挈榼攜壺。直與同志者爲羣。不知老之將至。欲令復整理簪屨。修束精神。揖讓邦君之門。低昂刺史之坐。遠談糟粕。近棄醇醪。必不能矣。亦將恐芻狗貽夢。櫟社見嘲。去矣君侯。無落吾事。

答王績書

唐杜之松

辱書知不降顧。歎恨何已。僕幸恃故情。庶迴高躅。豈意康成道重。不許太守稱官。老萊家居。羞與諸侯爲友。延佇不獲。如何如何。奇跡獨全。幸甚幸甚。敬想結廬人境。植杖山阿。林壑地之所豐。煙霞性之所適。蔭丹桂。藉白茅。濁酒一杯。清琴數弄。誠足樂也。此真高士。何謂狂生。僕憑藉國恩。濫尸貴部。官守有限。就學無因。延頸下風。我勞何極。前因行縣。實欲祇尋。誠恐燉煌。孝廉守琴書。而不出酒泉。太守列鐘鼓。而空還。所以遲迴。遂攬轡也。僕雖不敏。頗識前言。道旣知尊。榮何足恃。豈不能正平公之坐。敬養亥唐。屈文侯之膝。恭師子夏。雖齊桓德薄。五行無疑。眚夸故人。一來何損。蒙借家禮。今見披尋。微而精。簡而備。誠經傳之典略。闔庭之要訓也。其喪禮新義。頗有所疑。謹用條問。具如別帖。想荒宴之餘。爲詮釋也。遲更知聞。杜之松白。

招道士徐鳴客書

唐李密

齊州長史至。得所上奇策一篇。理智優長。文采密麗。覽而味之。嘉玩無已。夫天地

閉。賢。人。隱。少。微。光。處。士。見。是。以。崆。峒。之。上。軒。轅。問。於。廣。成。汾。水。之。陽。唐。帝。從。於。鬻。缺。是。知。肥。遯。爲。美。齊。物。攸。歸。雅。節。與。蘭。桂。俱。芳。高。風。共。雲。霞。競。遠。孤。門。世。胄。承。藉。餘。緒。平。生。大。志。豈。圖。富。貴。只。爲。時。逢。板。蕩。代。屬。艱。虞。厭。海。水。之。羣。飛。憫。蒼。生。之。塗。炭。便。與。二。三。人。傑。百。萬。武。旅。欲。受。降。於。軹。道。將。問。罪。於。商。郊。未。遇。玄。女。思。逢。黃。石。詎。有。啟。沃。謀。猷。弼。成。韜。鈴。者。也。仙。師。學。究。本。原。術。苞。奇。正。八。風。五。星。之。候。玉。臺。金。匱。之。書。莫。不。洞。曉。於。心。若。指。諸。掌。今。龍。戰。於。野。鶴。翔。寥。廓。或。出。或。處。且。變。且。更。濡。足。援。手。是。曰。仁。人。除。暴。靜。亂。方。稱。君。子。贊。我。興。運。今。也。其。時。師。宜。躡。屩。擔。簦。用。虞。卿。之。禮。披。榛。輓。輅。襲。婁。敬。之。風。引。領。瞻。望。拂。席。相。待。遲。聽。鄙。生。之。談。方。聞。左。車。之。說。桂。樹。山。幽。歲。云。暮。矣。桃。花。源。穴。想。見。其。人。冬。首。薄。寒。比。如。宜。也。想。攝。養。有。方。當。無。勞。慮。庶。不。遠。千。里。早。赴。六。軍。孤。已。勒。彼。州。令。以。禮。相。送。冀。面。非。遙。此。不。多。及。

上秦王書

唐薛收

世充據有東都。府庫填積。其兵皆是江淮精銳。所患者在於乏食。是以爲我所持。

求戰不可。建德親總軍旅來拒我師。亦當盡彼驍雄。期於奮決。若縱其至此。兩寇相連。轉河北之糧。以相資給。則伊洛之間。戰鬪不已。今宜分兵守營。深其溝防。卽世充欲戰。慎勿出兵。大王親率猛銳。先據成皋之險。訓兵坐甲。以待其至。彼以疲弊之師。當我堂堂之勢。一戰必克。建德卽破。世充自下矣。不過兩旬。二國之君。可面縛麾下。若退兵自守。計之下也。

與徐世勣書

唐魏徵

自隋末亂離。羣雄競逐。跨州連郡。不可勝數。魏公起自叛徒。奮臂大呼。四方響應。萬里風馳。雲合霧聚。衆數十萬。威之所被。將半天下。破世充於洛口。摧化及於黎山。方欲西蹈咸陽。北陵元闕。揚旌瀚海。飲馬渭川。翻以百勝之威。敗於奔亡之虜。固知神器之重。自有所歸。不可以力爭。是以魏公思皇天之乃睠。入函谷而不疑。公生於擾攘之時。感知己之遇。根本已拔。確乎不動。鳩合遺散。據守一隅。世充以乘勝餘勇。息其東略。建德因侮亡之勢。不敢南謀。公之英聲。足以振於今古。然誰

無善始。終之慮難。去就之機。安危大節。若策名得地。則九族蔭其餘輝。委質非人。則一身不能自保。殷鑒不遠。公所聞見。孟賁猶豫。童子先之。知幾其神。不俟終日。今公處必爭之地。乘宜速之機。更事遲疑。坐觀成敗。恐凶狡之輩。先人生心。則公之事去矣。

上從舅侍郎啓

唐王勃

某啟。一昨弟勛至。奉命以憲臺詩十首垂示。氣橫霜署。彩洞雲扃。繡衣兼藻。肆之華。白簡控元機之奧。仙驄在馭。踐文路而驅神。冠獬下臨。望詞林而直指。某質惟茅艾。名隔搢紳。虛霑自出之榮。每愧諸甥之列。恩華曲被。誨誘傍臨。識謝知音。榮深覲輿。虞韶忽奏。聽律呂而忘疲。楚匣遙開。仰光芒而不暇。昔孔融之逢元禮。罕覩高文。王粲之謁伯喈。終慚懿戚。援今企古。議德疇恩。荷慄兼儲。悲欣兩集。但才非酷似。攀宅相而多慙。慕切如存。臨渭陽而增感。不勝荷戴屏營之至。

再上皇甫常伯啓

唐王勃

某敢自恭陳薄伎。祇奉話言。咳唾成恩。盼睩爲飾。征夫擊節。方思孤竹之風。壯士寒心。實有長楊之作。謹憑嚴命。輕呈乾元殿頌一首。將冀導江至海。常以筆札見知。南館西園。遂與簪纓爲伍。德雖無盡。攀驥尾而方遙。生也有涯。比鴻毛而非重。謹啟。

答員半千書

唐駱賓王

張評事至。辱惠書及詩。把翫無厭。暫如有敍。上言離恨。下勸交情。篤以猛風乾蘇之談。彌以驟雨濕薪之喻。雖聞義則徙道。存於起予。而儻人失倫。事均乎玩物。借如誠說。蓋足下之不知言。倘或劇談。豈吾人之所仰望。夫鯤之爲魚也。潛碧海。泳滄流。沈鰓於勃海之中。掉尾乎風濤之下。而濠魚井鮒。自以爲可得而齊焉。鵬之爲鳥也。刷毛羽。恣飲啄。戢翼於天地之間。宛頸乎江海之畔。而雙鳧。乘雁。自以爲可得而褻焉。及其化羽。垂天。搏風。九萬。振鱗。橫海。擊水。三千。寧肯借翰於搶榆。假力於在藻。資江濱涓流之水。待堀堞揚塵之風哉。故張子房之達人。也。擊水搏風。

之適焉。朱買臣之屈己也。戢翼沈鯁之致焉。足下雅得古人之致。不乏先賢之遇。自守莊筌。無嬰魏網。亦寧不知在藻。搶榆之力。非擊水搏風之助哉。而詞旨殷勤。深所未諭。盍言爾志。豈若是乎。夫人生百年。物理千變。名利寵辱之形立矣。愛憎毀譽之迹生焉。其有道在。則尊德成。而上幽貞爲虛白之室。靜默爲太玄之門。知軒冕是儻。來悟榮華。非力致苟斯道之不墜。亦何患乎無成。而欲圖僥倖於權重之交。養聲譽於衆多之口。所以楊朱徘徊於岐路。阮籍怵惕窮途。嗟乎霜往露來。歲寒不待。山高河廣。離會無時。桂樹寒花。公子去而忘返。松巖春草。王孫遊以不歸。去矣員生。遠離隔矣。音塵不嗣。情其勞矣。畏途窮谷。靜躁殊矣。惠而好我。無密爾音。

與親情書

唐駱賓王

風壤一殊。山河萬里。或平生未展。或睽索累年。存沒寂寥。吉凶阻絕。無由聚洩。每積淒涼。近緣之官。佐任海曲。便還故里。冀敍宗盟。徒有所懷。未畢斯願。不意遠勞。

折簡辱逮堙淪。雖未敘言。蹙如披面。晚夏炎鬱。並想履宜。賓王疾患。忽無況耳。

與程將軍書

唐 駱賓王

昨見武郎將。備陳將軍之言。恩出非常。談過其實。恭聞嘉惠。深用慚惶。君侯懷管樂之才。當衛霍之任。豐功厚利。盛德在人。送往事居。元勳蓋俗。智足以興王業。道足以濟蒼生。尙且屈公侯之尊。伸筦庫之士。若下僕者。天地一無用芻狗耳。粵自旌賁之辰。卽逢聖明之歷。材不經務。不能成佐命之功。智不通時。不能包周身之慮。加以天資本強。不能屈節權門。地隔蓬心。不能買名時議。常願爲仁由己。喪我於吾。見機可以絕機。無用之爲有用。隨時任其舒卷。與物同其波流者矣。其於木也。魯班無所措其鈎繩。其於駕也。伯樂無所施其銜策。不悟聖朝發明揚之詔。君侯緝雍熙之道。曲垂提獎。廣借遊揚。猥以樗櫟之姿。忝預賢良之薦。當今鴻都富學。麟閣多英。非游夏不可以升堂。非夔牙不可以擊節。倘片言失德。事暴區中。匹夫竊議。語流天下。進乖得賢之舉。退貽薄德之譏。恐不肖之軀。爲高明之累。耳必

能。一。盼。增。價。九。術。先。登。燕。昭。爲。市。駿。之。資。郭。隗。居。禮。賢。之。始。則。當。效。駑。駘。之。用。飾。固。陋。之。心。陶。鑄。堯。舜。之。典。謨。憲。章。文。武。之。道。德。上。以。究。三。才。之。能。事。下。以。通。萬。物。之。幽。情。將。使。詞。翰。爲。行。己。外。篇。文。章。是。立。身。岐。路。耳。又。何。足。道。哉。言。而。不。慚。者。恃。惠。子。之。知。我。也。所。恨。禁。門。清。切。造。別。無。緣。官。守。牽。纏。程。期。有。限。某。尙。期。辭。滿。偷。泛。孤。舟。萬。里。煙。波。舉。目。有。江。河。之。限。百。齡。心。事。勞。生。無。晷。刻。之。歡。嗟。乎。流。水。不。窮。浮。雲。自。遠。霑。襟。此。別。把。袂。何。時。恃。以。平。生。之。私。忘。其。貴。賤。之。禮。幸。勿。爲。過。謹。不。多。談。

與在朝諸賢書

唐 盧照鄰

昔。張。子。房。處。太。傅。之。尊。自。疏。於。南。山。隱。公。孫。宏。居。丞。相。之。位。亦。伏。於。東。方。生。伯。喈。已。亡。孔。文。舉。將。老。兵。而。造。膝。方。回。尙。在。王。羲。之。就。僮。奴。而。共。談。良。史。書。之。高。賢。不。以。爲。累。自。古。朝。野。曷。常。以。人。廢。言。況。下。官。抱。疹。東。山。不。干。時。事。借。人。唱。和。何。損。於。朋。黨。延。州。子。期。聞。音。竊。抃。猶。冀。身。膏。丹。壑。脫。寶。劍。於。山。阿。骨。掩。黃。塵。罷。瑤。琴。於。天。下。則。捐。金。抵。玉。於。山。谷。者。非。太。平。之。美。事。乎。幽。憂。子。白。

與郭仲翔書

唐 吳保安

幸共鄉里。籍甚風猷。雖曠不展拜。而心常慕仰。吾子國相猶子。幕府碩才。果以良能而受委寄。李將軍秉文兼武。受命專征。親縮大兵。將平小寇。以將軍英勇兼足。下才能師之克殄。功在旦夕。保安幼而嗜學。長而專經。才乏兼人。官從一尉。僻在劍外地。邇蠻陬。鄉國數千。關河阻隔。況此官已滿。後任難期。以保安之不才。厄選曹之格限。更思微祿。豈有望焉。將歸老邱園。轉死溝壑。側聞吾子急人之憂。不遺鄉曲之情。忽垂特達之眷。使保安得執鞭弭。以奉周旋。錄及緇微。薄霑功效。承茲凱入。得預末班。是吾子邱山之恩。卽保安銘鏤之日。非敢望也。願爲圖之。唯照其款誠。而寬其造次。專策驚蹇。以望招攜。

與吳保安書

唐 郭仲翔

永固無恙。頃辱書未報。值大軍已發。深入賊庭。果逢撓敗。李公戰沒。吾爲囚俘。假息偷生。天涯地角。顧身世已矣。念鄉國窅然。才謝鍾儀。居然受繫。身非箕子。日見

爲奴海畔牧羊。有類於蘇武。宮中射雁。寧期於李陵。吾自陷蠻夷。備嘗艱苦。肌膚毀。剔血淚滿池。生人至艱。吾身盡受。以中華世族爲絕域。窮囚日居。月諸暑退。寒襲。思老親於舊國。望松檟於先塋。忽忽發狂。臚臚流動。不知涕之無從。行路見吾。猶爲傷愍。吾與永固。雖未披款。而鄉里先達。風味相親。想觀光儀。不離夢寐。昨蒙枉問。承間便言。李公素知足下才名。則請爲管記。大軍去遠。足下來遲。乃足下自後於戎行。非僕遺於鄉曲也。足下門傳餘慶。天祚積善。果事期不入。而身名並全。向若早事。麾下同參。幕府則絕域之人。與僕何異。吾今在厄。力屈計窮。而蠻俗沒留。許親族往贖。以吾國相之姪。不同衆人。仍苦相邀。求絹十匹。此信通聞。仍索百緜。願足下早附白書。報吾伯父。宜以時到。得贖吾還。使亡魂復歸。死骨更肉。惟望足下耳。今日之事。請不辭勞。若吾伯父已去廟堂。難可諮啟。卽願足下親脫石父。解夷吾之驂。往贖華元。類宋人之事。濟物之道。古人猶難。以足下道義素高。名節特著。故有斯請。而不生疑。若足下不見衰矜。猥同流俗。則僕生爲俘囚之豎。死爲

蠻夷之鬼耳。更何望哉。已矣。吳君無落吾事。

答李清河書

唐李嶠

君白辭閒累月。益深勤系。秋後尙熱。惟兄動靜云云。君粗爾推免。昨自歷亭路。還至臨清。展一慟於崔氏。舉目酸咽。良不可任。變故幾何。氣序過革。舊館荒毀。殘蟬悲鳴。夫情生於有情之地。古人所以登峴山而淚下。聽鄰笛而淒涼。誠有以也。亡友崔生。才高位下。盛年天閼。同志遽絕絃之傷。有識深埋玉之恨。此而可忍。孰不可忍。其藻綴鮮華。姿彩秀舉。故已久處大府。呈諸水鏡。可略言也。所未盡者。此君幼無怙恃。終鮮兄弟。有田一廛。桑竹靡樹。孀姊返室。諸甥數門。移愛敬之慕。以奉之。假友悌之歡。以臨之。貧病爲感慨之資。羈栖無學植之伴。終能抗跡泥滓。高步京華。交結盡一時之俊。文章滿談者之口。亦爲難矣。加以重襟期。敦賑施。良辰美景。故或自遠而至。一俎一觴。繼以繒紵。亦無絕於時。所以薄俸不資於目前。孤高遠遺於身後。古人稱清吏真不可爲者。豈徒言哉。兄仁及遺簪禮縉。追賻千古之

貪。饕。而。懲。貨。賄。者。豈。不。憑。怙。作。威。紊。我。公。道。耶。今。則。異。於。是。積。東。里。之。仁。既。將。萬。化。同。盡。企。西。江。之。潤。方。爲。萬。口。所。懸。適。足。以。重。仁。恩。而。敦。教。義。也。惟。兄。實。深。圖。之。儻。一。言。辱。及。羣。願。獲。申。豈。惟。崔。氏。獨。受。其。賜。亦。二。三。朋。友。所。佩。服。焉。幸。甚。幸。甚。明。日。西。上。不。果。拜。辭。伏。惟。珍。重。

上高長史述和詩啓

唐李嶠

某。啟。近。於。錄。事。參。軍。杜。延。昌。處。伏。見。公。秋。月。遙。想。洛。城。十。韻。之。作。曲。中。之。妙。傳。乎。郢。客。之。聲。天。下。之。珍。得。自。隋。侯。之。掌。鳳。鳴。六。呂。龍。文。九。光。駭。屬。奇。觀。相。趨。動。色。若。乃。政。理。餘。隙。翱。翔。多。暇。臨。八。水。之。高。秋。企。三。河。之。上。國。衣。冠。濟。濟。入。青。瑣。而。步。丹。墀。車。馬。喧。喧。下。銅。衢。而。赴。金。谷。人。物。仙。舟。之。會。風。塵。俠。窟。之。遊。莫。不。屬。想。心。目。託。情。謠。詠。九。迴。靈。府。遙。馳。雨。露。之。郊。千。里。神。畿。近。接。風。雲。之。思。雕。文。將。錦。繡。同。美。惠。氣。與。芝。蘭。等。馥。用。過。秦。肆。懸。輕。呂。氏。之。金。持。入。周。京。卽。貴。洛。陽。之。紙。足。使。兩。都。賓。主。羞。談。翰。墨。二。陸。兄。弟。恥。論。詞。賦。死。者。可。作。賈。生。爲。入。室。之。徒。來。者。難。誣。潘。子。得。

扶輪之地。某學異通敏。才非沈鬱。刀筆爲吏。趨馳之歲月。已多。黻藻成文。雅頌之風。流尙缺。平原從者。終慙入楚之游。闕里門人。空積後陳之歎。徒以夙承光彩。早延提拂。曾將薄伎。見知思以庸音。自效。輒忘固陋。敢有和歌。登卞肆而論寶。入夔門而撫節。擬託非倫。揣摩增覲。謹啟。

答勸置田園札

唐張嘉貞

吾忝歷官。榮曾任國相。未死之際。豈憂饑餒。若負譴責。雖富田莊。亦無用也。比見朝士。廣占良田。及身沒後。皆爲無賴子弟。作酒色之資。甚無謂也。

上薛令文章啓

唐陳子昂

某啟。一昨恭承顯命。垂索拙文。祇奉恩榮。心魂若厲。幸甚幸甚。某聞鴻鐘在聽。不足論擊缶之音。太牢斯烹。安可薦羹藜之味。然則文章薄伎。固棄於高賢。刀筆小能。不容於先達。豈非大人君子。以爲道德之薄哉。某實鄙能。未窺作者。斐然狂簡。雖有勞人之歌。悵爾詠懷。曾無阮籍之思。徒恨跡荒淫麗。名陷俳優。長爲童子之

羣無望。壯夫之列。豈圖曲蒙榮獎。躬奉德音。以小人之淺才。承令君之嘉惠。豈不幸甚。豈不幸甚。伏惟君侯。星雲誕秀。金玉間成。衣冠禮樂。範儀朝野。致明君於堯舜。皇極允諧。當重寄於阿衡。中階協泰。非夫聰明博達。體變知機。如其仁。如其仁。方當拔俊賞奇。使拾遺補闕。坐開黃閣。高視赤松。然後與稷契夔龍比功。並德豈徒。蕭曹魏丙。屑屑區區而已哉。某實細人。過蒙知遇。顧循微薄。何敢祇承。謹當畢力竭誠。策駑磨鈍。期效忠以報德。奉知己以周旋。文章小能。何足觀者。不任感荷之至。

與褚先生書

唐張說

說拜白。薊北餘迥。關西早春。物候所宜。年來共感。惟先生進經玉殿。退食金門。黼藻元猷。榮問清暢。甚善。說往陪君子。視學瑤山中。貽官謗。謫居湘浦。賴聖主識其面目。憐其宿心。捨衆口之無稽。容庇身之有地。自授軍鎮。躬當夷狄。出入以馳突。爲羣坐臥以戈劍。爲友翰墨。都廢典籍。生塵時憑夢魂。一視宮闕。每憶朝侶。邈若

雲天愧乏武才。供國纍使。豈望立明主之側。陳先王之道哉。說與先生事願乖矣。曩喜同席。今嗟異鄉。遐路三千。曷其言會。強飯安步。爲國師臣。時流德音。以惠疆場。張說再拜。

與營州都督弟書

唐張說

骨肉世疏。居止地闊。宗族名迹。不能備知。讀厭次府君狀。已具歷官。未書性習。夫五常之性。出於五行。稟氣所鍾。必有偏厚。則仁義禮智信。爲品不同。六藝九流。習科各異。若以稷。齒之事。贊於巢。由孫。吳之術。銘於游。夏。必將神人於悒。未以爲允。今之撰錄。蓋欲推美。實行崇識。素心先德。怡神於知。我後生。想望於見。意說爲他人稱述。尙不敢苟。況於族尊。行哉。往來信多。直疏早報。冬末寒沍。野有戎歌。山無夏草。步步日遠。能無鄉國之心乎。荒州新立。向者未有。下車殊俗。意緒如何。說患恒服湯。虛多健少。因別奉去。說呈。

與御史高昌宇書

唐王洽然

僕之怪君甚久矣。不憶往日任宋城縣尉乎。僕稍善文章。每蒙提獎。勤勤見遇。又以齊毗。叨承恩顧。銘心在骨。復聞升進。不出臺省。當爲風流可望。故舊不遺。近者伏承皇皇者華。出使江外。路次於宋。依然舊遊。門生故人。動有十輩。蒙問及者。衆矣。未嘗言冷。然明公縱欲高心。不垂半面。豈不畏天下窺公侯之淺深。與著綠袍。乘驄馬。踰踰正色。誰敢直言。僕所以數日伺君望塵而拜。有不平事。欲圖於君。莫厭多言。而彰公短也。先天年中。僕雖幼小。未閑聲律。輒參舉選。公旣明試。量擬點額。僕之枉落。豈肯緘口。是則公之激僕。僕豈不知。公之辱僕。僕終不忘其故。亦上一紙書。蒙數遍讀。重相摩獎。道有性靈。云某來掌試。仰取一名。於是逡巡受命。匍匐而歸。一年在長安。一年在洛下。一年坐家園。去年冬十月得送。今年春三月及第。往者雖蒙公不送。今日亦自致青雲。天下進士有數。自河以北。唯僕而已。光華籍甚。不是不知。君須稍垂後恩。雪僕前恥。若不然。僕之方寸。別有所施。何者。故舊相逢。今日之謂也。僕困窮如君之往昔。君之未遇。似僕之今朝。因斯而言。相去何

遠君是御史。僕是詞人。雖貴賤之間。與君隔闊。而文章之道。亦謂同聲。而不可以富貴驕人。亦不可以禮義見隔。且僕家貧親老。常少供養。兄弟未有官資。嗷嗷環堵。菜色相看。貧而賣漿。值天涼。今冬又屬停選。試遣僕爲御史。君在貧途。見天下文章精神氣調。得如王子者哉。實能憂其危。拯其弊。今公之富貴。亦不可多得。意者望御史。今年爲僕索一婦。明年爲留心一官。幸有餘力。何惜些些。此僕之宿憾。口中不言。君之此恩。頂上相戴。儻也。賞人多忘。國士難期。使僕一朝出其不意。與君並肩臺閣。側眼相視。公始悔而謝僕。僕安能有色於君乎。僕生長草野。語誠觸忤。並詩若干首。別來三日。莫作舊眼相看。山東布衣。不識忌諱。泠然頓首。

與盧藏用書

唐毛傑

月日。雲夢子毛傑。謹致書於盧公足下。傑聞君所貴者道也。所好者才也。故才高則披襟而論翰墨。道狎則言事而致談笑。何必雞鳴狗盜。始資僥倖之能。簞食瓢飲。不顧清虛之用。自公立名。休代博物。多能。帝曰。爾諸擢爲近侍。所以從容禁省。

出入瑣闥。忠弼在躬。優柔薦及。傑時在草。莽運厄窮。愁思折俎。而無因嗟。掃門而不逮。豈知羣邪。違逆。聯聲嗷嗷。紫奪我朱。遠詣惡土。賴公神色自若。心行不逾。餌芝朮以養閑。坐煙篁而收思。傑梁鴻遠旅。閱仲未歸。留德音徘徊。失路互鄉。童子當願。接於宣尼。蘇門先生。竟未言於阮籍。公於傑者。如彼。僕於公者。若此。百年朝夕。何事惜於交遊。四海兄弟。何必輕於行路。賈生不云乎。達人大觀。物無不可。小智自私。賤彼貴我。况公披衣高尙。習靜閑局。世事都捐。尤精道意。豈有自私而已。無大觀者哉。倘能憐雲將無知。慙張良小子。說鴻濛之偈。遺黃石之書。虛往實歸。霑霧露之微潤。哀多益寡。落邱山之一毫。則知足下之眷深焉。小人之慶畢矣。

答嚴給事書

唐張九齡

自出江郡。慰誨累及。情義已積。昆弟無喻。人生相知。可謂厚矣。僕方請歸養。從此告辭。會面無期。所懷當盡。故復累而言之耳。凡爲前相所厚者。豈必惡人耶。僕爰自書生。燕公待以族子。頗以文章見許。不因勢利而合。但惟獎之日。不量不才。且

致掖垣。有負時議。然則初有超拔。豈由本心。噉噉之口。曾不是察。既不稱其服。又加之讒間。負乘致寇。幾於不免。當此時也。若無所容。以孤特之身。處背憎之地。自怪。既往何幸。而全追想。寒心。怵怵發悸。嚴子足下。不意而然。既而遠出。猶有餘釁。巧言潛搆。期僕傾危。故使者之來。怒於心而色於事。賴於自慎。幸且無咎。不者吹毛洗垢。求其痕疵。勢窮力屈。將無控告。未始怯事也。有爲而然。以故春中有書。薄言求庇。足下猶不諒此意。以爲汲汲於聲名。而乃約以莊生之言。博以東山之法。曉導精至。誠故人之情。向之所防。有異來旨。彼二教者。忘情滅識。無有纏愛。故福至不喜。禍至不憂。今僕養親。豈復割離恩愛。直措心於此地哉。正欲惟疾之憂。全身遠害。故雖在小小。敢不兢兢。至如自放身心。雖復懵昧。幸受教於君子。亦聞道於古人。豈不能少有所適。方復屑屑於毀譽之際也。管仲嘗三戰三北。而鮑子不以爲無勇。以其有親足下。寧不我知。而有此誨。且往者不自量力。因緣小技。蹙躡干進。荏苒歷年。固以爲運屬盛明。朝多君子。義能容物。而忘其孤陋。則不知敝帚

之貴。末路多艱。今專典一州。蓋幸遇已甚。而平生萬事。爲寒暑所移。雖忝簪纓。若墜泉壑者耳。誠恥令名之不副。寵章也。昔賈誼才偕管晏。言則霸王。名重漢廷。官止梁傅。班固猶云。未爲不遇。况僕擬非其倫。遇已過。彼顧多慙色。豈敢怨而更求。歟。足下知心。當明義有所在耳。尊者慈愛。諸下懷寧。本鄉不欲隨官。重有離別。春秋高矣。晨昏久違。僕豈復規規然徼無妄之福。在悔愆之動。而迴無所恃。單子獨立。萬一蹉跌。或遠庭闈。朝心不開。暮髮盡白。行已五十。獨不知命。是以冒死抗疏。乞歸侍藥。一則潔膳以展下情。二則辭滿而無貽憂。周易曰。飛鳥遺之音。不宜上。宜下。蓋取此義。亦自卜者審也。顧恨上負明主。邱山之恩。未有涓塵之答。下愧知己。契獎之力。卒無如言之效。又平生不飾小節。苟取虛名。使吠聲之徒。退有後議。竟未獲盡展所有之用。以塞罔極之讒。碌碌而歸。不能不耿耿耳。古人有從所好者。僕亦有心。庶承顏之餘。放性自適。軒冕之事。亦云儻來。林澤之間。聊足散慮。縱絕後望。亦了一生。何必崎嶇不平。齟齬求入。然後爲得也。去矣。嚴子勉事聖君。儻

存平仲久要之言。無惜詩人金玉之間。幸甚。張九齡白。

與工部李侍郎書

唐王維

一昨出後。伏承令從官將軍車騎。至陋巷見命。恨不得隨使者。詣舍下謁。才非張載。枉傅元以車相迎。德謝侯生。辱信陵虛左見待。古人有此。今也未聞。所以踈踊惕息。通夕不寢。維自結髮。卽枉眷顧。侍郎素風。維知之矣。宿昔貴公子。常下交布衣。盡禮髦士。絕甘分少。致醴以飯。汲汲於當世之士。常如不及。故夙著聞。望爲孟嘗平原之儔。及乎晚歲時危。益見臣節。草莽之中。乘輿播越。列郡或棄。車走林。畏賊顧望。貢獻不至。莫有鬪心。侍郎慨然。枕戈泣血。奮不顧命。捍衛聖主。楊奉之以兵。奉迎蕭何之運糧。致饋曹洪之。以良馬濟趙衰之。以壺飧從。收合亡騎。繕治兵甲。喻以大義。慰而勉之。然後以劍率卒。執戈前驅。浹旬之間。六軍響振。以成興復之業。豈非侍郎忠節。蓋世義貫白日。垂名竹帛。爲一代宗臣。誠可愛也。或曰宗子與國同休。不得不爾也。夫仁弱自愛者。且奔竄伏匿。偷延晷刻。窮蹙既至。卽匹夫

匹婦自經於溝瀆。安能決命爭首。慷慨大節。死生以之乎。而能不邀寵於上。不干功於下。不怠邦政。不受私謁。時與風流儒雅之士。置酒高會。唵咏先王。遺風儼然。有東山之志。善矣。維雖老賤。沈跡無狀。豈不知有忠義之士乎。亦當延頸企踵。嚮風慕義。無窮也。然不敢自列於下執事者。以爲賤貴有倫。等威有序。以閒人持不急之務。朝夕倚門窺戶。抑亦侍郎之所惡也。而猥不見遺。思曹公命吳質。將何以塞知己之望。報厚顧之恩。內省空虛。流汗而已。輒先馳狀。候涼時。卽躬詣門下。奉謝。王維頓首。

山中與裴迪秀才書

唐王維

近臘月下。景氣和暢。故山殊可過。足下方溫經。猥不敢相煩。輒便往山中。憩感配寺。與山僧飯訖而去。北涉元灞。清月暎郭。夜登華子岡。輞水淪漣。與月上下。寒山遠火。明滅林外。深巷寒犬。吠聲如豹。村墟夜春。復與疎鐘相間。此時獨坐。僮僕靜默。多思曩昔。攜手賦詩。步仄逕。臨清流也。當待春中。草木蔓發。春山可望。輕儵出

水白鷗。矯翼露濕青皋。麥隴朝雉。斯之不遠。儻能從我遊乎。非子天機清妙者。豈能以此不急之務相邀。然是中有深趣矣。無忽。山中人王維白。

爲李中丞與虢王書

唐蕭穎士

某還奉問垂示。報魯郡克捷。官軍乘勝。進取東平。捧對三復。實深兼慰。逋醜稽誅。遂淹氣序。芟夷濟濮。陵虐洙泗。雖遊魂送死。所當翦滅。而命師授律。必俟英威。四耶挺雄烈之姿。荷專征之任。允文允武。終古罕儔。惟親惟賢。方今莫二。故能將士憤發。忠勇爭先。遺孽殄殲。隻輪不反。俾彼危城。蔚爲強鎮。必將長驅。許下。席卷浚郊。解滑臺之圍。刷襄邑之恥。在是行矣。此皆明大夫善任才而抑軍將之能用。命也。豈徒咫尺。汝陽而久勞。其師旅哉。遲企大捷。預寬憂負。天氣漸寒。伏惟尊體動止康勝。卽日蒙免。末由拜覲。增以勤係。所調兵糧。事資軍國。唯力是視。曷敢差池。謹遣江陽令杜萬往諮稟。

與韓荊州書

唐李白

白聞天下談士相聚而言曰。生不用封萬戶侯。但願一識韓荊州。何令人之景慕。一至於此耶。豈不以有周公之風。躬吐握之事。使海內豪俊奔走而歸之一登龍門。則聲價十倍。所以龍蟠鳳逸之士。皆欲收名定價於君侯。願君侯不以富貴而驕之。寒賤而忽之。則三千之中。有毛遂。使白得脫穎而出。卽其人焉。白隴西布衣。流落楚漢。十五好劍術。徧干諸侯。三十成文章。歷抵卿相。雖長不滿七尺。而心雄萬夫。王公大臣。許與氣義。此疇曩心跡。安敢不盡於君侯哉。君侯制作侔神明。德行動天地。筆參造化。學究天人。幸願開張心顏。不以長揖見拒。必若接之以高宴。繼之以清談。請日試萬言。倚馬可待。今天下以君侯爲文章之司命。人物之權衡。一經品題。便作佳士。而君侯何惜階前盈尺之地。不使白揚眉吐氣。激昂青雲耶。昔王子師爲豫章。未下車。卽辟荀慈明。旣下車。又辟孔文舉。山濤作冀州。甄拔三十餘人。或爲侍中尙書。先代所美。而君侯亦一薦嚴協律。入爲祕書郎。中間崔宗之。房習祖。黎昕。許瑩之徒。或以才名見知。或以清白見賞。白每觀其銜恩撫躬。忠

義奮發。白以此感激。知君侯推赤心於諸賢之腹中。所以不歸他人。而願委身於國士。儻急難有用。敢效微軀。且人非堯舜。誰能盡善。白謨猷籌畫。安敢自矜。至於制作。積成卷軸。則欲塵穢視聽。恐雕蟲小技。不合大人。若賜觀芻蕘。請給以紙筆。兼之書人。然後退掃閒軒。繕寫呈上。庶青萍結綠。長價於薛卞之門。幸推下流。大開獎飾。惟君侯圖之。

別湖州崔使君書

唐朱灣

灣聞蓬萊之山。藏杳冥之中。行可到貴人之門。無媒而通。不可到。驪龍之珠。潛於滌滌之中。或可識貴人之顏。無因而前。不可識。某自假道路。問津主人。一身孤雲。兩度圓月。凡載請執事。三趨戟門。門人謂某曰。子私來耶。公來耶。若言公。小子實非公。若言私。公庭無私。不得入。以茲交戰。徬徨於今。信知庭之與堂。不啻千里。況寄食漂母。夜眠漁舟。門如龍而難登。食如玉而難得。食如玉之粟。登如龍之門。如龍之門。轉深如玉之粟。轉貴實無機心。翻成機事。漢陰丈人。聞之。豈不大笑屬谿。

上風便囊中金貧望甘棠而歎自引分而退灣白。

與黜陟使柳諫議書

唐權德輿

某月日。試祕書省校書郎權德輿。上書閣下。德輿材術無聞。重以拙訥。雖星軺往復。皆獲趨拜。竟未得粗承餘論。少盡下情。伏蒙以通世之舊。將獻狀受祿。感戴循環。不知所措。或有所見。敢布愚衷。何者。今皇帝馭天下之初。將欲拔才俊。延幽滯。綜覈名實。覽觀風俗。故分詔近臣。省問四方。將天之命。其旨不細。則閣下舉一士。用一賢。必當窮驗。聲實精究。終始一旦。以愚當薦士之目。誠衆多所未喻也。凡以故舊之私。不能忘情。與夫推賢類能。其事則異。今者澄清省察。以得人爲功。直道公議。天下屬目。此時而失。則所失多矣。德輿伏膺儒行三十。未立拊躬責己。知不如人。俟他時。進修與諸生齒。方冀當大君子眷念之。至申鄙夫報效之分。今若以費用所迫。苟進一官。則傭書販舂。亦足自給。必不敢以區區之身上累名器。敢拒黔敖之食。徐受山濤之恩。下情所守。在此而已。是以竟未獲拜謝者。以必所不敢。

當也。伏惟宴閒之餘。俯察愚樸。文章鄙略。不足以煩省覽。用此陳露。慚畏伏深。不宣。德輿再拜。

上張僕射書

唐韓愈

九月一日。愈再拜。受牒之明日。在使院中。有小吏持院中故事節目十餘事來示。愈其中不可者。有自九月至明年二月之終。皆晨入夜歸。非有疾病事故。輒不許出。當時以初受命。不敢言。古人有言曰。人各有能有不能。若此者。非愈之所能也。抑而行之。必發狂疾。上無以承事於公。忘其將所以報德者。下無以自立。喪失其所以爲心。夫如是。則安得而不言。凡執事之擇於愈者。非爲其能晨入夜歸也。必將有以取之。苟有以取之。雖不晨入而夜歸。其所取者。猶在也。下之事上。不一其事。上之使下。不一其事。量力而任之。度才而處之。其所不能。不彊使爲。是故爲下者。不獲罪於上。爲上者。不得怨於下矣。孟子有云。今之諸侯。無大相過者。以其皆好臣其所教。而不好臣其所受教。今之時。與孟子之時。又加遠矣。皆好其聞命而

奔走者不好其直己而行道者聞命而奔走者好利者也直己而行道者好義者也未有好利而愛其君者未有好義而忘其君者今之王公大人惟執事可以聞此言惟愈於執事也可以此言進愈蒙幸於執事其所從舊矣若寬假之使不失其性加待之使足以爲名寅而入盡辰而退申而入終酉而退率以爲常亦不廢事天下之人聞執事之於愈如是也必皆曰執事之好士也如此執事之待士以禮如此執事之使人不枉其性而能有容如此執事之欲成人之名如此執事之厚於故舊如此又將曰韓愈之識其所依歸也如此韓愈之不諂屈於富貴之人如此韓愈之賢能使其主待之以禮如此則死於執事之門無悔也若使隨行而入逐險而趨言不敢盡其誠道有所屈於己天下之人聞執事之於愈如此皆曰執事之用韓愈哀其窮收之而已耳韓愈之事執事不以道利之而已耳苟如是雖日受千金之賜一歲九遷其官感恩則有之矣將以稱於天下曰知己知己則未也伏維哀其所不足矜其愚不錄其罪察其辭而垂仁採納焉愈恐懼再拜

答陳商書

唐韓愈

愈白。辱惠書。語高而旨深。三四讀。尙不能通曉。茫然增愧赧。又不以其淺弊。無過人知識。且喻以所守。幸甚。愈敢不吐情實。然自識其不足補吾子所須也。齊王好竽。有求仕於齊者。操瑟而往。立王之門。三年不得入。叱曰。吾瑟鼓之。能使鬼神上下。吾鼓瑟合軒轅氏之律。呂客罵之曰。王好竽。而子鼓瑟。雖工。如王不好。何是所謂。工於瑟而不工於求齊也。今舉進士於此世。求祿利行道於此世。而爲文。必使一世人不好。得無與操瑟立齊門者比歟。文雖工。不利於求。求不得。則怒且怨。不知君子必爾爲否也。故區區之心。每有來訪者。皆有意於不肖者也。略不辭讓。遂盡言之。惟吾子諒察。愈白。

與鄂州柳公綽中丞書

唐韓愈

淮右殘孽。尙守巢窟。環寇之師。殆且十萬。瞋目語難。自以爲武人。不肯循法度。頡頏作氣。勢竊爵位。自尊大者。肩相摩。地相屬也。不聞有一人援桴鼓。誓衆而前者。

但日令走馬來求賞給。助寇爲聲勢而已。閣下書生也。詩書禮樂是習。仁義是修。法度是束。一日去文就武。鼓三軍而進之。陳師鞠旅。親與爲辛苦。慷慨感激。同食下卒。將二州之牧。以壯士氣。斬所乘馬。以祭踈死之士。雖古名將。何以加茲。此由天資忠孝。鬱於中。而大作於外。動皆中於機會。以取勝於當世。而爲戎臣師。豈常習於威暴之事。而樂其鬪戰之危也哉。愈誠怯弱。不適於用。聽於下風。竊自增氣。誇於中朝。稠人廣衆。會集之中。所以羞武夫之顏。令議者知將國兵。而爲人之司命者。不在彼。而在此也。臨敵重慎。誠輕出入。良用自愛。以副見慕之徒之心。而果爲國立大功也。幸甚幸甚。不宣。愈再拜。

又與鄂州柳公綽中丞書

唐韓愈

愈愚不能量事勢可否。比常念淮右以靡弊困頓。三州之地。蚊蚋蟻蟲之聚。感凶豎。煦濡飲食之惠。提童子之手。坐之堂上。奉以爲帥。出死力以抗逆。明詔戰天下之兵。乘機逐利。四出侵暴。屠燒縣邑。賊殺不辜。環其地數千里。莫不被其毒。洛汝

襄。荆。許。潁。淮。江。爲。之。騷。然。丞。相。公。卿。士。大。夫。勞。於。圖。議。握。兵。之。將。熊。羆。貔。虎。之。士。畏。懦。蹙。躅。莫。肯。杖。戈。爲。士。卒。前。行。者。獨。閣。下。奮。然。率。先。揚。兵。界。上。將。二。州。之。守。親。出。入。行。間。與。士。卒。均。辛。苦。生。其。氣。勢。見。將。軍。之。鋒。穎。凜。然。有。向。敵。之。意。用。儒。雅。文。字。章。句。之。業。取。先。天。下。武。夫。關。其。口。而。奪。之。氣。愚。初。聞。時。方。食。不。覺。棄。匕。箸。起。立。豈。以。爲。閣。下。眞。能。引。孤。軍。單。進。與。死。寇。角。逐。爭。一。日。僥。倖。之。利。哉。就。令。如。是。亦。不足。貴。其。所。以。服。人。心。在。行。事。適。機。宜。而。風。采。可。畏。愛。故。也。是。以。前。狀。輒。述。鄙。誠。眷。惠。手。翰。還。答。益。增。欣。悚。夫。一。衆。人。心。力。耳。目。使。所。至。如。時。雨。三。代。用。師。不。出。是。道。閣。下。果。能。充。其。言。繼。之。以。無。倦。將。形。便。之。地。甲。兵。足。用。雖。國。家。故。所。失。地。旬。歲。可。坐。而。得。況。此。小。寇。安。足。置。齒。牙。閒。勉。而。卒。之。以。俟。其。至。幸。甚。夫。遠。徵。軍。士。行。者。有。羈。旅。離。別。之。思。居。者。有。怨。曠。騷。動。之。憂。本。軍。有。饋。餉。煩。費。之。難。地。主。多。姑。息。形。跡。之。患。急。之。則。怨。緩。之。則。不。用。命。浮。寄。孤。懸。形。勢。銷。弱。又。與。賊。不。相。諳。委。臨。敵。恐。駭。難。以。有。功。若。召。募。士。人。必。得。豪。勇。與。賊。相。熟。知。其。氣。力。所。極。無。望。風。之。驚。愛。護。鄉。

里勇於自戰。徵兵滿萬。不如召募數千。閣下以爲何如。儻可上聞行之否。計已與裴中丞相見行營事宜。不惜時賜示及。幸甚。不宣。愈再拜。

與裴墳書

唐柳宗元

應叔十四兄足下。比得書示。勤勤不以僕罪過爲大故。有動止相憫者。僕望已矣。世所共棄。唯應叔輩一二公獨未耳。僕之罪在年少好事。進而不能止。儔輩恨怒。以先得官。又不幸早嘗與遊者。居權衡之地。十薦賢。幸乃一售。不得者。譴張排根。僕可出而辯之哉。性又倨野。不能摧折。以故名益惡。勢益險。有喙有耳者。相郵傳。作醜語。不知其卒云何。中心之愆。尤若此而已。旣受禁錮。而不能卽死者。以爲久。當自明。今亦久矣。而噏罵者。尙不肯已。堅然相白者。無數人。聖上日興太平之理。不貢不王者。悉以誅討。而制度大立。長使僕輩爲匪人耶。其終無以見明。而不得擊壤鼓腹。樂堯舜之道耶。且天下熙熙。而獨呻吟者。四五人。何其優裕者。博而局束者。寡其爲不一徵也。何哉。大和蒸物。燕谷不被其煦。一鄒子尙能恥之。今若應。

叔輩知我豈下鄒子哉。然而不恥者何也。河北之師當已平奚虜。聞吉語矣。然若僕者承大慶之後。必有殊澤。流言飛文之罪。或者其可以已乎。幸致數百里之北。使天下之人不謂僕爲明時異物。死不恨矣。金州考績已久。獨褻然不遷者何耶。十二兄宜當更轉右職。十四兄嘗得數書無恙。兄顧惟僕之窮塗。得無意乎。北當大寒。人愈平和。惟楚南極海。元冥所不統。炎昏多疾。氣力益劣。昧昧然人事百不記。一捨憂慄則怠而睡耳。偶書如此。不宣。宗元再拜。

上湖南李中丞啟

唐柳宗元

某啟。某嘗讀列子書。有言於鄭子陽者。則曰。列禦寇。蓋有道之士也。居君之地而窮。君不好士。使之然乎。子陽於是。以君命輸粟於列子。列子不受。固嘗高其志。又讀孟子書。言諸侯之於士。曰。使之窮於吾地。則賙之。賙之亦可受也。又怪孟子以希聖之才。命代而出。不卓然自異。以潔白其德。取食於諸侯。不以爲非。斷而言之。則列子獨任之士。唯己一毛之爲愛。故遁以自免。孟子兼愛之士。唯利萬物之爲

謀故當而不辭。今宗元處則無列子之道。出則無孟子之謀。窮則去讓而自求。至則捧受而無慚。斯固爲貪淩苟冒人矣。董生曰。明明求財利。唯恐困乏者。庶人之事也。是皆詬恥之大者。而無所避之何也。以爲士則黜辱爲農。則斥遠無伎。不可以爲工。無資不可以爲商。抱大罪處窮。徼以當惡。歲而無廩食。又不自列於閣下。則非所以待君子之意也。伏惟覽子陽孟子之說。以垂德惠。無使惶惶然控於他邦。重爲董生所笑。則縲囚之幸大矣。謹啟。

答韋珩示韓愈相推以文墨事書

唐柳宗元

足下所封示退之書云。欲推避僕以文墨事。且以勵足下。若退之才。過僕數人。尙不宜推避於僕。非其實可知。固相假借爲之詞耳。退之所敬者。司馬遷揚雄。遷於退之固相上下。若雄者。如太玄法言及四愁賦。退之獨未作耳。決作之加恢奇。至他文過揚雄遠甚。雄文遣言措意頗短局滯澀。不若退之猖狂恣睢。肆意有所作。若然者。使雄來尙不宜推避。而況僕耶。彼好獎人善。以爲不屈己善。不可獎。故

慊慊云爾也。足下幸勿信之。且足下志氣高，好讀南北史書，通國朝事，穿穴古今，後來無能和而僕稚騃，卒無所爲，但趨趨文墨，筆硯淺事，今退之，不以吾子勵僕，而反以僕勵吾子，愈非所宜。然卒篇欲足下自挫抑，合當世事，以固當雖僕亦知無出此。吾子年甚少，知己者如麻，不患不顯，患道不立耳。此僕以自勵，亦以佐退之勵足下。不宣。宗元頓首再拜。

與顧十郎書

唐柳宗元

四月五日。門生守永州司馬員外置同正員柳宗元。謹致書十郎。凡號門生而不知恩之所自者，非人也。纓冠束衽而趨以進者，咸曰：「我知恩知恩，則惡乎辨？然而辨之亦非難也。」大抵當隆赫柄用而蜂附蟻合，煦起趨便，辟匍匐以非乎人而售乎己。若是者，一旦勢異，則電滅飈逝，不爲門下用矣。其或少知恥懼，恐世人之非己也，則矯於中以貌於外，其實亦莫能至焉。然則當其時而確固自守，蓄力秉志，不爲嚮者之態，則於勢之異也，固有望焉。大凡以文出門下，由庶士而登司徒。

者七十有九人。執事試追狀其態。則果能效用者出矣。然而中間招衆口飛語。譁然譁張者。豈他人耶。夫固出自門下。賴中山劉禹錫等。遑遑惕憂。無日不在信臣之門。以務白大德。順宗時顯贈榮諡。揚於天官。敷於天下。以爲親戚門生光寵。不意瓌瓌者。復以病執事。此誠私心痛之。堙鬱洶湧。不知所發。常以自憾在朝。不能。有奇節宏議。以立於當世。卒就廢逐。居窮厄。又不能著書斷往古明聖法。以致無窮之名。進退無以異於衆人。不克顯明門下。得士之大。今抱德厚蓄憤悱。思有以效於前者。則既乖謬於時。離散擯抑。而無所施用。長爲孤囚。不能自明。恐執事終以不知其始。偃蹇匿者。將以有爲也。猶流於嚮時。求進者之言。而下情無以通。盛德無以酬。用爲大恨。固常不欲言之。今懼老死瘴土。而他人無以辨其志。故爲執事一出之。古之人。恥躬之不逮儻。或萬萬有一可冀。復處人間。則斯言幾乎踐矣。因言感激。浪然出涕。書不能旣。宗元謹再拜。

賀趙江陵宗儒辟符載啓

唐柳宗元

某啟。伏聞以武都符載爲記室。天下立志之士。雜然相顧。繼以歎息。知爲善者。得其歸嚮。流言者有所聞。執直道之所行。義風之所揚。堂堂焉。實在荆山之南矣。幸甚幸甚。伏以符君之藝術志氣。爲時聞。人才未會。盤桓固久。中間因緣。陷在危邦。與時偃仰。不廢其道。而爲見忌嫉者。橫致辱吻。房給事以高節特立。明之於朝。王吏部以清議自任。辨之於外。然猶小人浮議。困在交戟。凡諸侯之欲得符君者。域聯壤接。而惑於騰沸。環視相讓。莫敢先舉。及受署之日。則皆開口垂臂。悵望悼悔。譬之求珠於海。而徑寸先得。則衆皆怏然。罷去。知奇寶之有所歸也。嗚呼。巧言難明。下流多訕。自非大君子出之。世氣則何望焉。瞻望清風。若在天外。無任感激。欣躍之至。輕瀆陳賀。不勝戰越。不宣。謹啟。

賀進士王參元失火書

唐柳宗元

得楊八書。知足下遇火災。家無餘儲。僕始聞而駭。中而疑。終乃大喜。蓋將弔而更以賀也。道遠言略。猶未能究知其狀。若果蕩焉。泯焉。而悉無有。乃吾所以尤賀者。

也。足下勤奉養。樂朝夕。惟恬安無事。是望也。今乃有焚煬赫烈之虞。以震駭左右。而脂膏滫瀡之具。或以不給。吾是以始而駭也。凡人之言。皆曰。盈虛倚伏。去來之不可常。或將大有爲也。乃始厄困震悸。於是有水火之孽。有羣小之慍。勞苦變動。而後能光明。古之人皆然。斯道遼闊誕漫。雖聖人不能以是必信。是故中而疑也。以足下讀古人書。爲文章。善小學。其爲多能若是。而進不能出羣士之上。以取顯貴者。蓋無他焉。京城人多言足下家有積貨。士之好廉名者。皆畏忌不敢道足下之善。獨自得之心。蓄之銜忍。而不出諸口。以公道之難明。而世之多嫌也。一出口則蚩蚩者以爲得重賂。僕自貞元十五年。見足下之文章。蓄之者蓋六七年。未嘗言是。僕私一身而負公道久矣。非特負足下也。及爲御史尙書郎。自以幸爲天子近臣。得奮其舌。思以發明足下之鬱塞。然時稱道於行列。猶有顧視而竊笑者。僕良恨修己之不亮。素譽之不立。而爲世嫌之所加。常與孟幾道言而痛之。乃今幸爲天火之所滌盪。凡衆之疑慮。舉爲灰埃。黔其廬。赭其垣。以示其無有。而足下之

才能乃可顯白而不汚。其實出矣。是祝融回祿之相。吾子也。則僕與幾道十年之相。知不若茲火一夕之爲足下譽也。宥而彰之。使夫蓄於心者。咸得開其喙。發策決科者。授子而不慄。雖欲如嚮之蓄縮受侮。其可得乎。於茲吾有望於爾。是以終乃大喜也。古者列國有災。同位皆相弔。許不弔災。君子惡之。今吾之所陳。若是有以異乎古。故將弔而更以賀也。顏曾之養。其爲樂也大矣。又何闕焉。足下前要僕文章古書。極不忘。候得數十幅。乃併往耳。吳二十一武陵來言。足下爲醉賦。及對問。大善。可寄一本。僕近亦好作文。與在京城時頗異。思與足下輩言之。桎梏甚固。未可得也。因人南來。敢書訪死生不悉。宗元白。

謝竇相公啟

唐 劉禹錫

某啟。某一辭朝列。二十三年。雖轉郡符。未離謫籍。卑溼生疾。衰遲鮮歡。望故國而未歸。如痿人之念起。昨蒙罷免。甘守邱園。相公不棄舊遊。特哀久廢。每奉華翰。賜之衷言。果蒙新恩。重忝清貫。薦延有漸。拯拔多方。六律變幽谷之寒。一丸銷彌年。

之。疹。鍛。翻。將。舉。危。心。獲。安。布。武。夷。途。自。此。而。始。分。曹。有。繫。拜。謝。無。因。瞻。望。德。藩。坐。馳。精。爽。無。任。感。激。之。至。謹。啟。

與柳子厚書

唐 劉禹錫

間發書得郭箏師墓志一篇。以爲其工獨得於天姿。使木聲絲聲均其所自出。抑折愉繹。學者無能。如繁休伯之言。薛訪車子。不能曲盡如此。能令鄙夫冲然南望。如聞善音。如見其師。尋文寤事。神驚心得。倘伴伊鬱。久而不能平。嗟夫。郭師與不可傳者死矣。弦張柱差。枵然貌存。中有至音。含糊弗聞。噫。人亡而器存。布方册者。是已。予之伊鬱也。豈獨爲郭師發耶。想足下因僕書。重有慨耳。不宣。禹錫白。

謝僕射李相公啟

唐 劉禹錫

某啟。州吏還。伏蒙擺落常態。手筆具書。言及貞元中登朝人。逮今無十輩。又發中書相公一函。具道閣下。亟言曩遊。顏間頗有哀色。夫溝中之木。與犧象同體。追琢不至。則坐成枯薪。朱而藍之。猶足爲器。苟液滿曲戾。不足枉斧斤。願爲庭燎。以照。

嘉客謹啟。

謝李巽常侍書

唐符載

某官任進朝至。猥賜書札。并官告衣服鞍馬等。開緘之後。伏知常侍不以載懦劣。無取。飛草上聞。蒙授太常寺奉禮郎充南昌軍副使者。此所謂天子厚澤。下潤林泉。諸侯盛禮。曲霑固陋。思惟腆薄。何緣如是。五內慙愧。彷徨失從。某弱年不自揆。妄植強操。祖尚名節。嘗以爲靜。既砥礪以修道。動卽功德。以被世故。棲遲不進。垂二十年。雖跡在邱壑。而心非長往。且山木之挺者。憂良匠之不來。室女之容者。憂士夫之不娶。某雖孱愚。材貌俱微。實求知音。爲之投誠。一昨候謁盛府。禮致優貸。降大人之嚴重。涵小生之闊略。顧問采色。若有所注。居未經時。榮命果來。變枯槁爲美粹。易荷衣爲簪組。起締構於平地。生翼羽於離鷺。鴻漸之兆。始於茲辰。與夫尋常感恩。不同日而語也。誠宜掩山扉。別巖松。扶策病憊。祇赴所職。伏以歸山之日。嘗於甘子堂中。輒以私志。上廣視聽。嘗恐道有所未立。學有所未周。遭值引遇。

速貽敗累。實欲姑務歛退。以備見聞。況江西爲蕃鎮之雄。常侍負伊咎之資。署置賓佐。四方傾耳。或主客懸絕。祇取笑焉。故嚮風歛手。不敢上道。又某童孺。酷嗜山水。建中初。與友生數人。自岷蜀結心。匡廬始至。甚病困。無以贍結。偶獲一地。蓬陋翳蒼。苟取便易。未遑變更。含憤不快。如病毒螫。近者江州李使君。以俸錢四萬。爲某買山。號三澗峯。在二林之右。孤巖絕壑。匡廬之左。壞褐破袍。沛然滿篋。方將面雲峯。構草堂。咏歌堯舜。綢繆松柏。報償昔年之志。而去。是有始而無卒。有胸而無心。必當爲谿猿谷鳥。側目相視。豈止於林慙澗。恥而已哉。伏惟閣下。道極上才之美。政布中和之化。昭昭德禮。攬接士庶。凡在草木。尙獲暢達。區區鄙悋。冀見祭納。某幼小淪賤。胃緒逶迤。糟心服道。年甫強仕。比爲四海之諸侯。屬意亦勤矣。禮則甚厚。實未隨之。今常侍不問賢否。事出沈斷。恩寵忽至。門戶有光。銜涕感激。不知所措。則自茲日。至於沒地。出於閣下。門闌矣。菲薄之質。已爲閣下從事矣。夫如是。雖千里之外。猶趨奉左右也。伏計王公大人。雅量如淵。當見其遐遠。樹名異日。豈

以一召違命。遂賜重乎鄙人。恃此敢存俯仰。既乞守蓬華。未獲奔走。其官告人馬。輩謹並使還府。久處荒野。詞意疏蕪。干犯尊嚴。但增惶恐。狂狷幸甚幸甚。

貽太常博士書

唐陳商

古者太常博士職。以公卿諸侯大夫死。第其所行舉而褒貶焉。使世世以一二字。觀其道與不道。拘褻言爲文武忠孝。所以失褒也。執己見爲繆荒赧醜。所以失貶也。二柄之失。博士不得職。往者不得享。爲政者不得道。夫執己見。拘褻言。是有上中下。質其一二字。視緡金重輕。以緡金之重輕。貽後之龐微。偷忠盜貞。罔世間人。爲盡善。加於行路。皆博士忍其過而阿其時也。夫天下人望執事。以爲質正。然未見有執事能針其膏肓之病者。若當貶而褒。當褒而貶。是猶錄跖殺夷。經緯混淆者也。褒而褒之。貶而貶之。經紀既著。善惡懸白。勸大。而用微。所以使後代。行不易。如日月山河江海草木四支七竅。以統榦而治。自從其教也。於戲。博士職蓋不細。願出意念慮焉。

上韓昌黎書

唐張籍

古之胥教誨舉動言語無非相示以義。非苟相諛悅而已。執事不以籍愚暗。時稱發其善。教所不及。施誠相與。不閒塞於他人之說。是近於古人之道也。籍今不復以義。是執竿而拒歡來者。烏所謂承人以古人之道歟。頃承論於執事。嘗以爲世俗陵靡不及古昔。蓋聖人之道廢弛之所爲也。宣尼沒後。楊朱墨翟。恢詭異說。干惑人聽。孟子作書而正之。聖人之道復存於世。秦氏滅學。漢重以黃老之術。教人使人寢惑。揚雄作法言而辯之。聖人之道猶明。及漢衰末。西域浮屠之法入於中國。中國之人。世世譯而廣之。黃老之術相沿而熾。天下之言善者。唯二者而已矣。昔者聖人以天下生生之道。曠乃物。其金木水火土穀藥之用。以厚之。因人資善。乃明乎仁義之德。以教之。俾人有常。故治生相存而不殊。今天下資於生者。咸備聖人之器用。至於人情。則溺乎異學。而不由乎聖人之道。使君臣父子夫婦朋友之義。沈於世。而邦家繼亂。固仁人之所痛也。自揚子雲作法言。至今近千載。莫有

言聖人之道者言之者。惟執事焉耳。習俗者聞之多怪而不信。徒推爲訾。終無裨於教也。執事聰明文章。與孟子揚雄相若。盍爲一書以興存聖人之道。使時之人後之人。知其去絕異學之所爲乎。曷可俯仰於俗。囂囂爲多言之徒哉。然欲舉聖人之道者。其身亦宜由之也。比見執事多尙駁雜無實之說。使人陳之於前。以爲歡。此有以累於令德。又商論之際。或不容人之短。如任私尙勝者。亦有所累也。先王存六藝自有常矣。有德者不爲。猶以爲損。況爲博塞之戲。與人競財乎。君子固不爲也。今執事爲之以廢棄時日。竊實不識其然。且執事言論文章。不謬於古人。今所爲。或有不出於世之守常者。竊未爲得也。願執事絕博塞之好。棄無實之談。宏廣以接天下士。嗣孟子揚雄之作。辨楊墨老釋之說。使聖人之道復見於唐。豈不尙哉。籍誠知之。以材識頑鈍。不敢竊居作者之位。所以咨於執事而爲之爾。若執事守章句之學。因循於時。置不朽之盛事。與夫不知言亦無以異矣。籍再拜。

答獨孤舍人書

唐李翱

足下書中有無見怨懟以至疏索之說。蓋是戲言。然亦似未相悉也。薦賢進能。自是足下公事。如不爲之。亦自是足下所闕。在僕何苦。乃至怨懟。僕嘗怪董生大賢。而著士不遇。賦惜其自待不厚。凡人之蓄道德才智於身。以待時用。蓋將以代天。理物。非爲衣服飲食之鮮肥而爲也。董生道德備具。武帝不用。爲相。故漢德不如三代。而生人受其顛。賴於董生。何苦而爲士不遇之詞乎。僕意緒間自待甚厚。此身窮達。豈關僕之貴賤耶。雖終身如此。固無恨也。況年猶未甚老哉。去年足下有相引薦意。當時恐有所累。猶奉止不爲。何遽不相悉。所以不數附書者。一二年來。輒思逃後禍。所冀存身。惟能休罷。最愜私志。從此永已矣。更無健羨之懷。況乞得餘年。退修至道上。可以追赤松子房之風。豈止於此。二疏尚平子而已。但舉世好爵祿權柄。具寫此心以告人人。無有少信之者。皆爲不誠之言也。王拾遺是桂州舊僚。頗知此志。若與往來。伏望問之。可知其旨。但以常情見待。豈知失時。還有偏尚之士哉。又近日來兩施子。粗得其說。未及就正。當此時使獲長往。亦足以不愧。

宗門不負朋友。嘗慕張公。以不能取容當世。故終身不仕。況向前仕宦。亦以多矣。幸免刑戮。方爾退修。與致令名。年已六十。有一比之諸叔父兄弟。爲得年矣。且不知餘年幾何。意願乞取殘年。以修所知之道。如或有成。是萬世一遇。縱使無成。且能早知止足。高靜與三老死於林藪之下。比終日矻矻耽樂富貴。而大功德不及於海內。而卒於位者。所失得伏計。舍人必以辨之矣。以舍人比他見知。故盡其意焉。若非至誠。亦何苦而強發斯言乎。

與陸儔書

唐李翱

李觀之文章如此。官止於太子校書郎。年止於二十九。雖有名於時俗。其卒深知其至者。果誰哉。信乎天地鬼神之無情於善人。而不罰罪也。甚矣爲善者將安所歸乎。翱書其人。贈於兄。贈於兄。蓋思君子之知我也。予與觀平生不得相往來。及其死也。則見其文。嘗謂使李觀若永年。則不遠於揚子雲矣。書己之文。次忽然若觀之文。亦見知於君也。故書苦雨賦。綴於前。當下筆時。復得詠其文。則觀也。雖不

永年亦不甚遠於揚子雲矣。書苦雨之辭。既又思我友韓愈。非茲世之文。古之文也。非茲世之人。古之人也。其詞與其意。適則孟子。既沒亦不見有過於斯者。當其下筆時。如他人疾書寫之。誦其文。不是過也。其詞乃能如此。嘗書其一章曰。獲麟解。其他可以類知也。窮愁不能無所述。適有書寄弟正辭。及其終亦自覺不甚下尋常之所爲者。亦書以贈焉。亦惟讀觀愈之辭。冀一詳焉。鞠再拜。

答李生第一書

唐皇甫湜

辱書適曛黑。使者立復。不果一二。承來意之厚。傳曰。言及而不言。失人粗書其愚。爲足下答。幸察來書所謂今之工文。或先於奇怪者。顧其文工與否耳。夫意新則異於常。異於常則怪矣。詞高則出於衆。出於衆則奇矣。虎豹之文。不得不炳於犬羊。鸞鳳之音。不得不鏘於鳥鵲。金玉之光。不得不炫於瓦石。非有意於先之也。迺自然也。必崔嵬然後爲岳。必滔天然後爲海。明堂之棟。必撓雲霓。驪龍之珠。必錮深泉。足下以少年氣盛。固當以出拔爲意。學文之初。且未自盡其才。何遽稱力不

能哉。圖王不成。其弊猶可以霸。其僅自見也。將不勝弊矣。孔子譏其身不能者。幸勉而思進之也。來書所謂浮豔聲病之文。恥不爲者。雖誠可恥。但慮足下方今不爾。且不能自信其言也。何者。足下舉進士。舉進士者。有司高張科格。每歲聚者試之。其所取。迺足下所不爲者也。工欲善其事。必先利其器。足下方伐柯而捨其斧。可乎哉。恥之不當求也。求而恥之。惑也。今吾子求之矣。是徒涉而恥濡足也。寧能自信其言哉。來書所謂汲汲於立法。寧人者。迺在位者之事。聖人得勢。所施爲也。非詩賦之任也。功旣成。澤旣流。詠歌紀述。光揚之作。焉。聖人不得勢。方以文詞行於後。今吾子始學未仕。而急其事。亦太早計矣。凡來書所謂數者。似言之未稱。思之或過。其餘則皆善矣。旣承嘉惠。敢自疏怠。聊復所謂。俟見方盡。湜再拜。

上韓吏部書

唐 林簡言

人有儒其業。與孟軻同代而生。不遂師於軻。不得聞乎道。閣下豈不謂之惜乎。又有與揚雄同代而生。不遂師於雄。不得聞乎道。閣下豈不謂之惜哉。有習於琴者。

問其所習。必曰吾師於某。某所傳。師曠之道也。習於弧者。問其所習。必曰吾師於某。某所傳。子濯孺子之道也。脫二人未至於古。然亦無敢是非者。以所習有據。故也。儻曰。吾自能。非授受於人也。必知其音。俚音也。其能庸能也。嗚呼。聖人之道。與琴弧之道。相遠。而琴弧尙能自習之。如此。況聖人之道乎。去夫子千有餘載。孟軻揚雄死。今得聖人之旨。能傳說聖人之道。閣下耳。今人晞閣下之門。孟軻揚雄之門也。小子幸儒其業。與閣下同代而生。閣下無限其門。俾小子不得聞其道。爲異代惜焉。

與馮陶書

唐 沈亞之

馮生足下。前辱書時。會鄙人將有適方事役在焉。今則足下又赴省於東。故束書久不遑答。有負懇款。無以自露。然則書辭所屬。寧鄙人宜當託是乎。乃敢自酌以揆其意。惟智府悟之。樂府倡爲歌十年。聲流邯鄲下。而魏歌者。往請之曰。聞古之韓娥。其歌也能易哀樂。變林籟。則有是也。何自而及是乎。今子能揚韻激妙。感物

態矣。而人投聲請價者。宜以遂之。必且語我。使聞聽於衆耳。以得售進。入爲王左
右之娛。對曰。若韓娥之歌。韻合於氣。聲合於情。是故草木之於地也。氣爲之。君五
腑之居人也。情爲之。長草木之生。其根處瘠。則其表訥。處潤。則其表昌。瘠之訥。潤
之昌。不過其草木及氣之作也。爲溫陽。則萬族舒。爲晦寒。則衆色稚。瘁五腑。伏五
行。設如金困於內。則肺亢。應於外。而嗅厭極。則反之。木極於內。則肝怠。應於外。而
食亂。困則反之。困而厭極。而亂。不過一發於內。一應於外而已。及情之作也。爲喜
適。則七竅走。而會之。怡爲悲。愁則六氣集。而赴之。慘自皆不得自任也。韓娥之得
也。在此。馭二情以攻之。故能易哀樂。歧二氣以襲物。則能變林籟。其神至矣。亦尙
未聞飶寵賞於當時者何也。所感者智人也。草木仰天性。智人不混於累。夫衆庶
之目。怫於視。世俗之耳。離其聽。故擊弊。缶貫鼠革。聚觀於市。促促之歌。巴聲夷辭。
唱一而和。百贊之者。千萬人。南風之絃。雲和之瑟。曠世莫用。烏能自唱。其德於聲。
音。雖韓娥之妙。欲誰繼者。今足下將行者。古道也。將操者。至聲也。鄙人方困世之。

厭斥安足以使人聞聽於衆耳。發嘉譽於此日乎。猥辱雅向。願悉所識。幸甚幸甚。

與孺顏上人書

唐 沈亞之

上人足下。辱書指問。將望於僕人。謂有解達。可以爲梯進之級。必慮過意。幸聽畢。說昔之有善鍛者。火五金而別器。一日化百狀。而智用不極。然常薄產。自窘。弟子相率而笑之曰。夫子之於業工矣。然而市售之富。不能當陶之饒。何也。對曰。夫陶者。淺勞而薄利。與俗相用。彼朝市而夕壞。壞失其用。復從而市之。無虛日。故能饒。且吾之業。搜矩而軸。模及其成功。與世終始。彼匹居之人。又安能罄其室而市吾之工哉。故當饑亞之誤學。爲黃金鍛。且已困矣。上人無乃襲饑於此哉。非敢自重。誠以陷其所從耳。幸熟慮焉。亞之頓首。

賀裴相公破淮西啟

唐元 稹

某啟。伏見當道節度使牒。伏承相公。生擒吳元濟。歸斬闕下。功高振古。事絕稱言。億兆歡呼。天下幸甚。某聞舉世非之。而心不惑者。謂之明羣疑未亡。而計先定者。

謂之智。日者天棄淮蔡。畜爲汙瀦。五十年間。三后垂顧。眇爾元濟。繼爲凶妖。謂君命可逃。以父死爲利。聖上以睿謨神算。方議翦除。羣下守見習聞。咸懷阻沮。公英猷獨運。卓立不回。內排疑惑之詞。外輯異同之旅。三軍保任一意。誅鋤投石之卵。雖危拒輪之臂。猶奮賴閣下忠誠。憤激親自拊巡。靈旗一臨。餘沴電掃。此所謂俟周公而後。淮夷服得元凱。而後吳寇平凡。在陶甄孰不忻幸。況某早趨門館。抃躍尤深。僻守遐荒。不獲隨例拜賀。無任踴躍徘徊之至。

與元微之書

唐白居易

四月十日夜。樂天白微之。微之不見足下面。已三年矣。不得足下書。欲二年矣。人生幾何。離濶如此。況以膠漆之心。置於胡越之身。進不得相合。退不得相忘。牽攀乖隔。各欲白首。微之。微之。如何。如何。天實爲之。謂之奈何。僕初到潯陽時。有熊孺登來。得足下前年病甚時一札。上報疾狀。次序病心。終論平生交分。且云危憊之際。不暇他及。惟收數帙文章。封題其上。曰他日送達白二十二郎。便請以代書。悲

哉。微。之。於。我。也。其。若。是。乎。又。睹。所。寄。聞。僕。左。降。詩。云。殘。燈。無。焰。影。幢。幢。此。夕。聞。君。謫。九。江。垂。死。病。中。驚。起。坐。闇。風。吹。雨。入。寒。窗。此。句。他。人。尙。不。可。聞。況。僕。心。哉。至。今。每。吟。猶。惻。惻。耳。且。置。是。事。略。序。近。懷。僕。自。到。九。江。已。涉。三。載。形。骸。且。健。方。寸。甚。安。下。至。家。人。幸。皆。無。恙。長。兄。去。夏。自。徐。州。至。又。有。諸。院。孤。小。弟。妹。六。七。人。提。挈。同。來。頃。所。牽。念。者。今。悉。置。在。目。前。得。同。寒。煖。饑。飽。此。一。泰。也。江。州。風。候。稍。涼。地。少。瘴。癘。乃。至。蛇。虺。蚊。蚋。雖。有。甚。稀。溢。魚。頗。肥。江。酒。極。美。其。餘。食。物。多。類。北。地。僕。門。內。之。口。雖。不。少。司。馬。之。俸。雖。不。多。量。入。儉。用。亦。可。自。給。身。衣。口。食。且。免。求。人。此。二。泰。也。僕。去。年。秋。始。游。廬。山。到。東。西。二。林。間。香。爐。峯。下。見。雲。水。泉。石。勝。絕。第。一。愛。不。能。捨。因。置。草。堂。前。有。喬。松。十。餘。株。修。竹。千。餘。竿。青。蘿。爲。牆。垣。白。石。爲。橋。道。流。水。周。於。舍。下。飛。泉。落。於。簷。間。紅。榴。白。蓮。羅。生。池。砌。大。抵。若。是。不。能。殫。記。每。一。獨。往。動。彌。旬。日。平生。所。好。者。盡。在。其中。不。惟。忘。歸。可。以。終。老。此。三。泰。也。計。足。下。久。不。得。僕。書。必。加。憂。望。今。故。錄。三。泰。以。先。奉。報。其。餘。事。況。條。寫。如。後。云。云。微。之。微。之。作。此。書。夜。正。在。草。

堂。中。山。窗。下。信。手。把。筆。隨。意。亂。書。封。題。之。時。不。覺。欲。曙。舉。頭。但。見。山。僧。一。兩。人。或
坐。或。睡。又。聞。山。猿。谷。鳥。哀。鳴。啾。啾。平。生。故。人。去。我。萬。里。瞥。然。塵。念。此。際。鬻。生。餘。習
所。牽。便。成。三。韻。云。憶。昔。封。書。與。君。夜。金。鑿。殿。後。欲。明。天。今。夜。封。書。在。何。處。廬。山。庵。
裏。曉。燈。前。籠。鳥。檻。猿。俱。未。死。人。間。相。見。是。何。年。微。之。微。之。此。夕。此。心。君。知。之。乎。樂
天。頓。首。

答戶部崔侍郎書

唐 白居易

侍。郎。院。長。閣。下。戶。部。牒。中。奉。八。月。十。七。日。書。具。承。康。寧。喜。與。抃。會。并。別。覩。手。翰。訪
敘。綢。繆。何。眷。好。勤。勤。若。此。之。不。替。也。幸。甚。幸。甚。首。垂。問。以。鄙。況。不。足。云。蓋。默。默。兀
兀。委。順。任。化。而。已。次。垂。問。以。體。氣。除。舊。日。疾。外。雖。不。甚。健。亦。幸。無。急。病。矣。次。垂。問
以。月。俸。月。俸。雖。不。多。然。量。入。以。爲。用。亦。不。至。凍。餒。矣。又。垂。問。以。舍。弟。渠。從。事。東。川。
近。得。書。且。知。無。恙。矣。終。垂。問。以。心。地。此。最。要。者。輒。梗。槩。言。之。頃。與。閣。下。在。禁。中。日
每。視。草。之。暇。匡。牀。接。枕。言。不。及。他。常。以。南。宗。心。要。互。相。誘。導。別。來。閒。獨。隨。分。增。修。

比於曩時亦似有得得中無得無可寄言來書云麤示可乎斯不可也又知兵部李尙書同在南宮錢蕭二舍人移官閒秩退朝之暇數獲吾言每話舊遊輒蒙見念此蓋君子久要之心不爲榮頓合散增減耳而不佞者又何幸焉然自到潯陽忽已周歲外物盡遣中心甚虛雖賦命之間則有厚薄而忘懷之後亦無窮通用此道推頽然自足又或杜門隱几塊然自居木形灰心動逾旬月當此之際又不知居在何地身是何人雖鵬鳥集於前枯柳生於肘不能動其心也而況進退榮辱之累耶又思頃者接確論時走嘗有言薦於執事云心與迹多相戾道與名不兩立苟有志於道者若不幸於外是幸於內猥蒙歎賞猶憶之乎今之身心或近是矣退思此語撫省初心求仁得仁又何不足之有也前月中長兄從宿州來又孤幼弟姪六七人皆自遠至日有糲食歲有麤衣饑寒獲同骨肉相保此亦默默委順之外益自安也況廬山在前九江在左出門是滄浪水舉頭見香爐峯東西二林時時一往至如瀑水怪石桂風杉月平生所愛者盡在其中此又兀兀任化

之外益自適也。今日之心誠不待此而後安適。況兼之者乎。此鄙人所以安又安。適又適而不知命之窮老之至也。院長公望日重。啟沃非遙。仰惟勉樹勳名。勿以鄙劣爲念。

答莊充書

唐杜牧

某白。莊先輩足下。凡爲文以意爲主。以氣爲輔。以辭彩章句爲之兵衛。未有主強盛而輔不飄逸者。兵衛不華赫而莊整者。四者高下圓折步驟。隨主所指。如鳥隨鳳。魚隨龍。師衆隨湯。武騰天。潛泉橫裂。天下無不如意。苟意不先立。止以文彩辭句繞前捧後。是言愈多而理愈亂。如入闌闌紛然。莫知其誰。暮散而已。是以意全勝者。辭愈朴而文愈高。意不勝者。辭愈華而文愈鄙。是意能遺辭。辭不能成意。大抵爲文之旨如此。觀足下所爲文百餘篇。實先意氣而後辭句。慕古而尙仁義者。苟爲之不已。資以學問。則古作者不爲難到。今以某無可取。欲命以爲序。承當厚意。惕息不安。復觀自古序其文者。皆後世宗師其人而爲之。詩書春秋左氏以降。

百家之說皆是也。古者其身不遇於世，寄志於言，求言遇於後世也。自兩漢以來，富貴者千百，自今觀之，聲勢光明，孰若馬遷相如、賈誼、劉向、揚雄之徒，斯人也。豈求知於當世哉？故親見揚子雲著書，欲取覆醬餗，雄當其時，亦未嘗自有誇目。況今與足下並生今世，欲序足下未已之文，此固不可也。苟有志，古人不難到，勉之而已。某再拜。

與賈希逸書

唐孫樵

主數足下。曩者樵耳足下聲，憤足下售於時，何晚及目足下五通五十篇，則足下困於上亦宜矣。物之精華，天地所秘，惜故蒙金以沙，錮玉以璞，珊瑚之叢必歲重，溟夜光之珠必頡驪，龍抉而不知，已積而不知止，不窮則禍天地，讐也。文章亦然。所取者廉，其得必多，所取者深，其身必窮。六經作孔子，削迹不粒矣。孟子述子思，坎軻齊魯矣。馬遷以史記禍班固，以西漢禍揚雄，以法言太玄窮元結，以浯溪禍窮陳拾遺，以感遇窮王勃，以宣尼廟碑窮玉川子，以月蝕詩窮杜甫，李白王江寧。

皆相望於窮者也。天地其無意乎？今足下立言必奇，撫意必深，抉精剔華，期到聖人。以此賈於時，鈞榮邀富，猶欲疾其驅而方其輪。若曰爵祿不動於心，窮達與時上下成一家，書自期不朽，則非樵之所敢知也。嗚呼！孤進患心不苦，及其苦者，何人？古人抱玉而泣，樵捧足下文，能不濡睫懼足下自得也。淺且疑其道不固，因歸五通，不得無言。

與王霖秀才書

唐孫樵

太原君足下。雷賦逾六千言，推之大易，參之玄象，其旨甚微，其辭甚奇，如觀駭濤於重溟，徒知褫魄眙目，莫得畔岸，誠謂足下怪於文，方舉降旗，將大誇朋，從間且疑子雲復生，無何足下繼以翼旨及雜題十七篇，則與雷賦相關數百里。足下未到其壺，則非樵所敢與知。既入其域，設不如意，亦宜上下銖兩不當如此懸隔。不知足下以此見嘗耶？抑以背時戾衆且欲舖粕啜醜以苟其合耶？何自待則淺而徇人反深。鸞鳳之音必傾聽，雷霆之聲必駭心，龍章虎皮是何等物，日月五星是

何等象。儲思必深。摛詞必高。道人之所不道。到人之所不到。趨怪走奇。中病歸正。以之明道。則顯而微。以之揚名。則久而傳。前輩作者。正如是。譬玉川子。月蝕詩。楊司城華山賦。韓吏部進學解。馮常侍清河壁記。莫不拔地倚天。句句欲活。讀之如赤手捕長蛇。不施控騎。生馬急不得暇。莫可捉搦。又似遠人入太興城。茫然自失。詎比十家。縣足未及東郭。目已極西郭。耶樵嘗得爲文真訣。於來無擇。來無擇得之於皇甫持正。皇甫持正得之於韓吏部退之。然樵未始與人言及文章。且懼得罪於時。今足下有有意於此。而自疑尙多。其可無言乎。樵再拜。

與友人論文書

唐孫樵

嘗與足下評古今文章。似好惡不相闕者。然不有所竟。顧樵何所得哉。古今所謂文者。辭必高。然後爲奇。意必深。然後爲工。煥然如日月之經天也。炳然如虎豹之異犬羊也。是故以之明道。則顯而微。以之揚名。則久而傳。今天下以文進取者。歲叢試於有司。不下八百輩。人人矜執自大。所得故其習於易者。則斥鞮澀之辭。攻

於難者則鄙。平淡之言。至有破句讀。以爲工。摘俚句。以爲奇。秦漢已降。古人所稱。工而奇者。莫如揚馬。然吾觀其書。乃與今之作者異耳。豈二子所工不及今之人乎。此樵所以惑也。當元和長慶之間。達官以文馳名者。接武於朝。皆開設戶牖。主張後進。以磨定文章。故天下之文。薰然歸正。洎李御史甘以樂進。後士飄然南遷。由是達官皆闔關辭舌。不敢上下後進。宜其爲文者。得以盛任其意。無所取質。此誠可悲也。足下才力雄健。意語鏗耀。至於發論。尙往往爲時俗所拘。豈所謂以黃金注者昏邪。顧頑樸無所知曉。然嘗得爲文之道於來公。無擇。來公無擇。得之皇甫公。持正。皇甫持正。得之韓先生。退之。其於聞者如前所述。豈樵所能臆說乎。

與高錫望書

唐孫樵

文章如面。史才最難。到司馬子長之地。千載獨聞得揚子雲。唐朝以文索士。二百年間。作者數十輩。獨高韓吏部。吏部修順宗實錄。尙不能當孟堅。其能與子長子雲相上下乎。足下乃小史。尙宜世嗣史法。矧足下才力雄獨。意語橫闊。嘗序義復

岡及樂武事。其說要害。在樵宜。一。二。百。言。者。足。下。能。數。十。字。輒。盡。情。狀。及。意。窮。事。際。反。若。有。千。百。言。在。筆。下。足。下。齒。髮。未。及。壯。其。所。得。如。此。則。不。知。子。長。子。雲。當。足。下。年。齒。時。文。章。果。何。如。也。然。足。下。所。傳。史。法。與。樵。所。聞。者。異。古。史。有。直。事。俚。言。者。有。文。飾。者。乃。特。紀。前。人。一。時。語。以。爲。實。錄。非。謂。俚。言。奇。健。能。爲。史。筆。精。魄。故。其。立。言。序。事。及。出。沒。得。失。皆。字。字。典。要。何。嘗。以。俚。言。汨。其。間。哉。今。世。俚。言。文。章。謂。得。史。法。因。牽。韓。吏。部。曰。如。此。如。此。樵。不。知。韓。吏。部。以。此。欺。後。學。耶。韓。吏。部。亦。未。知。史。法。耶。又。史。家。紀。職。官。山。川。地。理。禮。樂。衣。服。亦。宜。直。書。一。時。制。度。使。後。人。知。某。時。如。此。某。時。如。彼。不。當。以。禿。屑。淺。俗。別。取。前。代。名。品。以。就。簡。絕。又。史。家。條。序。人。物。宜。存。警。訓。不。當。徒。以。官。大。寵。隆。講。文。張。字。故。大。惡。大。善。雖。賤。必。紀。尸。位。浪。職。雖。貴。必。黜。至。如。司。馬。遷。序。周。繆。班。孟。堅。傳。蔡。義。尙。可。用。耶。爲。史。官。者。明。不。顧。刑。辟。幽。不。愧。神。怪。若。梗。避。於。其。間。其。書。可。燒。也。古。者。國。君。不。得。視。史。今。朝。廷。以。宰。相。監。修。大。丈。夫。當。一。時。寵。遇。皆。欲。齊。政。房。杜。躋。俗。太。平。孰。能。受。惡。於。不。隱。乎。古。者。七。子。不。與。筆。削。

今朝廷以史館叢文士。儒家擅一時胸臆。皆欲各任憎愛。手出白黑。孰能專門立言乎。樵未知唐史誠何如也。樵雖承史法於師。又嘗熟司馬遷揚子雲書。然才韻枯梗。文過乎質。嘗序廬江何易于首末。千言貴文。則喪質。近質。則太禿。刮垢磨痕。卒不能到史。獨謂足下才力天出。最與史近。故以樵所受於師者致足下。

上河東公啓

唐李商隱

商隱啟。兩日前於張評事處。伏覩手筆。兼評事傳指。意於樂籍中賜一人。以備紉補。某悼傷已來。光陰未幾。梧桐半死。方有述哀。靈光獨存。且兼多病。眷言息胤。不暇提攜。或小於叔夜之男。或幼於伯喈之女。檢庾信荀娘之啟。常有酸辛。詠陶潛通子之詩。每嗟漂泊。所賴因依德宇。馳驟府庭。方思效命旌旄。不敢載懷鄉土。錦茵象榻。石館金臺。入則陪奉光塵。出則揣摩鉛鈍。兼之早歲。志在元門。及到此都。更敦夙契。自安衰薄。微得端倪。至於南國妖姬。聚臺妙妓。雖有涉於篇什。實不接於風流。況張懿仙本自無雙。曾來獨立。既從上將。又託英僚。汲縣勒銘。方依崔瑗。

漢庭曳履猶憶鄭崇寧復河裏飛星雲間墮月窺西家之宋玉恨東舍之王昌誠
出恩私非所宜稱伏惟克從至願賜寢前言使國人盡保展禽酒肆不疑阮籍則
恩優之理何以加焉干冒尊嚴伏用惶灼謹啟

上李舍人狀

唐李商隱

不審近日尊體何如伏想沖慮眞筌融心妙域神明是保戩穀來成榮上淹留軒
車已曠圭律井德無改玉音愈清此固擺脫常懷秉持極摯去關鍵於寵辱忘階
陞於高卑彼殷浩空函幾勞開閉仲文枯樹屢歎婆娑比之清光實有慙德今春
華以煦時服初成竹洞松岡蘭塘蕙苑聚星卜會望月舒吟羊偏接賓共其醒醉
謝安諸子例有風流優游名教之間保奉希夷之道伏思受遇素異諸生去歲陪
遊頗淹樽俎今茲違奉實閒山川曲水冰開章臺柳動子牟豈忘於魏闕嚴助蓋
厭於承明仰望恩憐豈任攀戀況某冗煩有素刻畫難施韓信少時罕蒙推擇揚
雄終歲唯有寂寥向非月日貽評陽春獲賞則孤根易拔弱羽難飛答寶戲以那

停。草。客。嘲。而。莫。暇。撫。躬。誓。款。委。已。銜。詞。下。筆。難。休。戀。柯。何。極。龍。門。不。見。將。同。故。掾。之。心。麟。史。可。傳。徒。立。素。臣。之。位。祇。迎。榮。誨。遲。慰。孤。誠。伏。紙。臨。風。杳。動。心。骨。

爲絳郡公上崔相公啓

唐 李商隱

某。啟。某。本。洛。下。諸。生。山。東。舊。族。羸。霑。科。第。薄。涉。藝。文。謬。藉。時。來。因。成。福。過。青。纁。赤。管。已。忝。於。清。華。黃。紙。紫。泥。仍。參。於。宥。密。相。公。早。容。薄。伎。獲。寄。光。塵。別。殿。朝。迴。禁。林。夜。直。每。披。襟。素。常。賜。話。言。知。蔣。琬。之。爲。公。敢。矜。先。見。哀。馬。卿。之。多。病。亦。辱。來。言。圭。律。未。遐。銘。鏤。斯。在。相。公。鹽。梅。調。味。舟。楫。濟。時。晉。水。擒。兇。韓。都。蕩。梗。以。不。剛。不。柔。貞。百。度。以。無。偏。無。黨。定。九。流。若。某。者。實。有。何。能。可。叨。出。牧。絳。田。已。非。厥。任。滎。波。轉。過。其。材。間。歲。已。來。爲。政。非。易。有。南。遷。之。降。虜。有。西。出。之。成。師。資。屏。所。供。餼。牽。之。備。未。嘗。造。次。敢。怠。躬。親。今。梟。獍。埽。除。馬。牛。歸。放。將。使。坐。臻。富。庶。必。先。用。得。才。能。此。地。名。高。六。雄。實。控。東。道。分。憂。之。寄。自。昔。爲。滎。況。在。疎。蕪。散。忘。涯。分。但。以。輜。軒。至。賦。貢。川。流。非。惟。撫。字。之。難。兼。有。送。迎。之。遽。舊。痾。加。甚。朽。質。難。堪。假。故。稍。頻。曠。廢。爲。懼。又。

以宦游既久。故里多違。陶令之田園。將蕪尚平之婚嫁。未畢顧惟羈絆。未可歸休。竊敢遠疏丹誠。上千清重。匪獨祈恩於時宰。實將誓款於已知。儻蒙以然。諾爲心誠。明濟物垂憂不逮。賜議所安。則吳楚之間。郡邑不少。非當衝要。或異膏腴。使之頌條。庶可求瘼。一昨賊平之後。啟事尋成。冰霜始嚴。筆札未暇。又伏慮內庭展顧。稱已推遷。外郡寓詞。頗乖流品。沈吟有日。鬱悒經時。今則情素坐煎。驅馳行久。若猶緘嘿。是負陶甄。伏惟曲賜恩鑒。誠懸書殿。戀積台階。比殷浩之空函。情同事異。望孫宏之東閣。魂往形留。下情無任感戀兢惶之至。

謝紇干相公啓

唐 溫庭筠

某啟。某材謝榘。杓文非綺組。閒關千里。僅爲蠻國參軍。荏苒百齡。甘作荊州從事。寧思羽翼。可勵風雲。豈知持彼庸疎。栖於宥密。迴顧而漸離。緇垢冥昇而欲近。煙霽榮非始圖。事過初願。此皆揚芳甄藻。發跡門牆。邱門用賦之年。相如入室。楚國命官之日。宋玉登臺。一日光陰。百生輝映。末由陳謝。伏用兢惶。

投憲丞啓

唐 溫庭筠

某聞古者窮士求知。孤臣薦拔。或三歲未嘗交語。或一言便許忘年。奇偶之間。彼何相遠。則運租船上。便獲甄才。避雨林中。俄聞託契。此又無由自致。不介而親者也。某洛水諸生。甘陵下黨。曾遊太學。不識承宮。偶到離庭。始逢種嵩。懸蘆照字。編葦爲資。遂竊科名。纔沾祿賜。常恐澗中孤石。終無得地之期。風末微姿。未卜棲身之所。侍郎議合機彖。望逼台衡。每敍羣才。常推直道。昨者攝齊邱里。撰刺膺門。伏蒙清誨垂私。溫言假煦。內惟孤賤。急被輝華。覺短羽之陵。感似窮鱗之得水。今者方祇下邑。又隔嚴扃。誰謂避秦。翻同去魯。佇見漢朝。朱博由憲。長以登庸。願同晉室。徐寧因縣。僚而遷次。下情無任。

與段校理書

唐 劉巖夫

人藏其心。不可測度也。搖舌於口。誰不言仁誼哉。清濁相渾。眞僞難辨。今雖有提其肺腸以呈衆。某必笑而不諒。此亦不足怪也。蓋僞者繁而眞者寡。況憑區區文

字。而能取信於人耶。所以某蘊蓄斯久。不敢輕奮。抑爲此也。今幸因執事稍垂盼。矚以不倫衆輩。故得肆陳其愚。惟賜詳之。某七歲受教誨。始學箕裘。迄今十六。不見成熟。性本慵惰。強之惟艱。不能戮力盡瘁。服勤先聖。然常謂男子生而懸弧。示有事於四方。固不得與兒女曹並列。依違以沒世。每欲奮廓埃。破開濤浪。聳雲漢。垂名竹帛。謂舒腕可取耳。殊不知世道隘局。九重阻深。不可也。又欲藏器弛用。洗滌他腸。昧旦調旨。甘入夜吟。編簡索聖。賢意探情。性源白雲。霏空虛舟。汎波塵機。不張語默。自任湜湜。然得全其愚。爲唐一閑人。而家世清風。祇承嚴訓。不可也。又欲掉長舌於公卿間。遞條戚施。以媚於人。拱立下流。阿旨從衆。善者曰善。不善者亦曰善。巧言如流。俾躬處休。而愚僻已慣。矯之惟病。不可也。三者之惑心。不可屈志。不可諧歧路。難期歲月。易老踐履之道。儼然自迷。執事濯纓清流。敏古多識。試言指其要路。將鞭蹇以趨之。某再拜。

寄溫飛卿葫蘆管筆往復書

唐段成式

桐鄉往還。見遺葫蘆筆管。輒分一枚寄上。下走困於守拙。不能大用。濩落之實。有同於惠施平原之種。本慚於屈穀。然雨思茶器。愁想酒杯。嫌苦菜而不吟。持長柄而爲贈。未曾安筆。卻省歲書。八月斷來。固是佳者。方知綠沈赤管。過於淺俗。求大白麥穗。獲臨賀石班。蓋可爲副也。飛卿窮素緗之業。擅雄伯之名。沿沂九流。訂銓百氏。筆洒瀝而轉潤。紙襞績而不供。或助操彈。且非玩好。便望審安承墨。細度覆毫。勿令仲宣等閒中詠也。成式狀。

謝賜錢啓

唐胡曾

曾啟。曾業謝懸頭。道非刺股。未能入洛。安可下遼。空懷逐鹿之心。莫遇斬蛇之世。囚拘翰墨。困隄塵泥。虛費宣毫。枉銷蜀縹。不救鋤蘭之禍。詎禳伐樹之災。自歎龍鍾。誰知牛鐸。又以山東藩鎮。江表節廉。悉用豎儒。皆除迂吏。胸襟齷齪。情志荒唐。入則粉黛繞身。出則歌鐘盈耳。但自誅求白璧。安能分減黃金。雖設朱門。何殊亡國。徒開玉帳。無異荒墟。遂使寧戚無扣角之歌。鄒陽乏曳裾之地。伏惟相公英風。

獨振偉量孤標。推葛亮之秤心。負姜維之斗膽。內安宗廟。外却蠻夷。魚水賢良。壘簾骨肉。桃李滿於衢路。金帛徧於風塵。六合之中。一人而已。是以昨者不度庸陋。輒有干祈。方虞接劍之勃然。敢望夢刀之筦爾。俄頒清俸。遽恤白衣。朝乏半千。夕盈五萬。豈期庸蹇。忽忝遭逢。不是孟嘗。詎聽馮諼之缺。若非趙勝。那知毛遂之錐。遇既重於西河。知亦深於北海。感恩泣處。未成泉客之珠。撫己哭時。空抱荆山之玉。限以程途。陳謝末由。感激生成。不任死所。

與李生論詩書

唐司空圖

文之難而詩尤難。古今之喻多矣。愚以爲辨於味而後可以言詩也。江嶺之南。凡足資於適口者。若醯非不酸也。止於酸而已。若醢非不鹹也。止於鹹而已。中華之人。所以充饑而遽輟者。知其鹹酸之外。醇美者有所乏耳。彼江嶺之人。習之而不辨也。宜哉。詩貫六義。則諷諭抑揚。淳蓄淵雅。皆在其中矣。然直致所得。以格自奇。前輩諸集。亦不專工於此。矧其下者耶。王右丞韋蘇州澄澹精緻。格在其中。豈妨

於道學哉。賈闈仙誠有警句。然視其全篇。意思殊餒。大抵附於蹇澁。方可致才。亦爲體之不備也。矧其下者哉。噫。近而不浮。遠而不盡。然後可以言韻外之致。耳。愚竊嘗自負。既久而愈覺缺然。得於早春。則有草嫩侵沙。長冰輕著。雨銷又人家。寒食。月花影。午時。天又雨。微吟足思。花落夢無。慘。又夜短。猿悲。滅風和。鵲喜。靈得於山中。則有坡暖。冬生。筍松涼。夏健。人又川。虹照。雨樹密。鳥衝。人得於江南。則有日帶潮聲。晚煙和楚色。秋又曲塘春。盡雨方響。夜深船得於塞上。則有馬色。經寒。慘。鷓聲帶晚。饑得於喪亂。則有驂騑思。故第。鸚鵡失佳人。又鯨鯢人海。涸魑魅。棘林幽。得於道宮。則有碁聲。花院閉。幡影石壇高。得於夏景。則有地涼。清鶴夢。林靜。肅僧儀。得於佛寺。則有松日明。金像苔龕響。木魚又解。吟僧亦俗。愛舞鶴終卑。得於郊園。則有暖景。雞聲美。微風蝶影繁。又遠陂春早。滲猶有水禽飛。得於樂府。則有晚粧留拜月。春睡更生香。得於寂寥。則有孤螢出荒池。落葉穿破屋。得於愜適。則有客來當意。懽花發遇歌成。雖庶幾不瀆於淺澗。亦未廢作者之譏訶也。七

言云。逃難人多分隙地。放生鹿大出寒林。又得劍乍如添健。僕亡書久似憶良朋。又孤嶼池痕春漲滿。小欄花韻午晴初。又五更惆悵回孤枕。猶自殘燈照落花。又殷勤元旦日。欵午又明年。皆不拘於一概也。蓋絕句之作。本於詣極。此外千變萬狀。不知所以神而自神也。豈容易哉。足下之詩。時輩固有難色。儻復以全美爲上。卽知味外之旨矣。勉旃。司空表聖再拜。

與臺丞書

唐司空圖

中丞閣下。某昔者常從其友于都邑之鄙。其鄰叟有善藝卉木者。或從之鬻于都下。未嘗不亟售而返。人謂之曰。里市所貨。皆資生之所闕。尙有提之汲汲而不克售者。今叟晨往暮歸。未嘗少滯。其所鬻何哉。叟曰。鬻植之道。雖本於天時。亦且診於人情耳。蓋視其人。夸其居侈。則所翫者。必欲朝炫其葩。夕味其實矣。彼或以勁正自處。所植必慕賢良。吾皆揣之。各銜其所欲焉。有曝滯之患哉。今閣下前爲小宗伯。實振爲公之舉。庶不孤吾道矣。况憲府僚屬。繫本朝之輕重。是猶宜於慎擇。

也。會昌中杜牧之爲補闕。陪賀客於孔氏之門。獨斂板而前。言御史丞風威。在取人之得失。乃薦邢羣焉。今有邢賁者。乃羣之猶子。雅志貞獨。且以名節自任。其所任其所爲。亦足觀其所志。愚以是輒有里叟之說。蓋待吾憲丞不薄矣。且自古推心。苟不望報於其人。則未有不堅於著效者。愚所任不私而已。苟謂言者之輕而舍諸。亦非敢以爲恥。又有王駕者。勳休之後。於詩頗工。於道頗固。但其所知。方在顯清之地。不敢越境以輸其珍耳。所與論詩一首。亦輒緘獻。其他當俟閣下操人柄救時艱而後敢以志英豪之事業者。達於執事。庶不驅之讐敵也。再拜。

貽王進士書

唐司空圖

辱示製述。甚非所宜。敢不以所說陳於左右哉。楚宋交怨。而使其間宋人有得玉於其境者。遇楚使。適至。誇示之。楚人謀沮其玉。請先譽於宋國。既獻。宋果怒曰。玉產於吾土。而價張於吾仇。是欺我也。不果售。今吾守道固窮。且竊文學之譽。是邪競沽虛者之所仇嫉者。吾子之才固奇矣。乃以所質實於吾懷。是玉者未適於

市而噪者已盈於門矣。必曰不投知於司空氏。必曰不受知於司空氏。則雖於吾子之奇。必足速得志於時矣。舍是無他術也。所貺益腆。不敢發柙。幸詳其意。勿冒時之所忌。

與蔣先輩啓

唐黃滔

三吳烟水百越山川。干戈杳隔於音塵。門館久違於趨覲。空自明祈日月。暗祝神祇。相如徵出於上林。賈誼召來於宣室。不然者。隱於商嶺。棲向傅巖。克俟搜羅。直膺夢寐。焚香稽首。以日繫時。滔一滯江鄉。六更寒燠。都由惡命。早失良時。迢遞一名進取。則大朝有難零丁數口。退休則故國無家。歸蜀還吳。言發涕下。

河中辭令狐相公啟

唐羅隱

某啟。某聞歌者不繫聲音。惟思中節。言者不期枝葉。所貴達情。苟抑揚之理。或差則流誕之辭。亦棄而況。委病鵲門之下。窺光龍燭之前。上方於趙壹遭逢。下比於陸機榮顯。雖倜儻不侔於二子。而輝華敢讓於伊人。今則住踰負嶽之蚊。去切戀

軒之馬輒復重將越調更唱燕臺以爲京兆王章三冬有淚淮陰韓信一飯無門
惟憂委骨窮塵敢望橫戈要路加以輕蹄逸軌猶祈公子王孫同窺萬頃波瀾各
有一時顏色而某短袖難舞危條易風禱祠則天或未從號泣則人皆不弔由是
飾裝增歛覽策興嗟指檠戟以凝神望鑪錘之借便雖琳琅杞梓盡歸梁棟之門
而藻荇蘋蘩亦戀池亭之內殷函軫念劉紙懸緘無言誓天有死銘德謹啟

投同州楊尙書啟

唐羅隱

某啟某聞足歷屠門尙能大嚼力疲吳坂亦解長鳴而況觀棠陰教化之原入黍
谷暄和之景苟不能自提由瑟直犯孔牆則其人生爲無益之徒死作無知之鬼
某譙鄉賤族釣瀨遺氓鉅下二卿素非朋執於陵一叟或與交遊偶然蒙郭泰之
言歛爾厲蘇秦之志遂得麥漂風雨門長蒿萊旋慕題橋因吟入洛三秋旅寓身
居計吏之先萬里徒行家匪大夫之後孰謂九街浪闊雙闕雲浮姜維之膽有破
時李陽之拳無下處由是潛傷鮒轍暗泣牛衣買誼長纓雖猶自連張儀健舌亦

擬何爲前窺而四海清平內顧而一身流落輒復徘徊鄭驛睥睨秦醫敢言畫虎之勤但有傷螻之望謹啟

答賀蘭友書

唐羅隱

前者吾子不以僕之暗鈍猥垂教示大相開發若非許與深至誰肯如是甚善甚善然其所道者正中僕嘗所自病者也僕少而羈窘自出山二十年所向摧沮未嘗有一得幸於人故同進者忌僕之名同志者忌僕之道無有不如吾子之所誨也然僕之所學者不徒以競科級於今之人蓋將以窺昔賢之行止望作者之堂奧期以方寸廣聖人之道可則垂於後代不可則庶幾致身於無愧之地寧復虞時人之罪僕者與夫禮貌之於人去就流俗不可以不時其進於秉筆立言扶植教化當使前無所避後無所遜豈以吾道沈浮於流俗者乎仲尼之於春秋懼之者亂臣賊子耳未聞有不亂不賊者疑仲尼於筆削之間況僕求試京師隨波而上逐隊而下亦有年矣家在江表歲一寧覲旨甘所資桂玉之困何嘗不以事力

千人苟利其出處。則僂俛從事。亦人之常情也。在不枉其道而已矣。道苟不枉。以之流離可乎。冠衣不能移人之迹。顧所履何如耳。言不忠。行不信。謂之君子可乎。言忠而行信。謂之小人可乎。吾子視僕。復苟合於不信不忠者乎。非僕之不可苟合。道義之人皆不合也。而受性介僻。不能方圓。既不與人合。而又視之如仇讐。以是僕遂有狹而不容之說。吾子果復發言及此。是不以衆人見待也。而今而後。敢不安其所自然。一科一級。多難也有如是哉。彼山也。水也。性之所適也。而眷眷不去者。以聖明之代。文物之盛。又安可以前所忌者。移僕初心。苟不得已。僕亦自有所處。大凡內無所疾。外無所媿。則在乎命也。天也。焉在僕與時人乎。惟吾子勿憚相規之數也。

謝湖南于常侍啟

唐羅隱

某啟。某今月十七日。已至界首。迴望旌檠。涕泣不任。某莊樸蠹疎。庾膏昏鈍。不能量力。嘗欲干名。隨貢部以悽惶。將鄰十上看時人之顏色。豈止一朝進則刺滅。許

都退則歌終。漢壘地雖至。廣人莫相容。憑執爨以無由。假鄰光而不得。常侍獨於此際。降以深仁。奏仇覽之官資。近陳遵之尺牘。福由無妄。榮亦何酬。近者以江表歲饑。吳中力困。旨甘既闕。晨夕縈懷。常侍不顧人言。將逾事例。給使府留州之物。代衡陽計歲之資。俾以東歸。救其栖旅。蔡澤北遊之日。餅餌不存。陸生南返之年。橐裝皆滿。聊將自衒。粗可諱窮。但以感切違梁。情深去魯。辭畫戟而心猶似醉。上孤舟而淚始如流。蓋以非故舊之由緣。無強近之慰薦。只因獎善。便與致身。如某之孤賤者。則多似某之遭逢者。則少。以茲自誓。安可暫忘。今則尚有迴期。猶寬旅思。石尤風定。橋口浪衰。展片席以高飛。指重湖而直過。地名北渚。長牽楚客之心。水到東吳。敢忘湘江之色。謹啟。

報西川王建書

後唐 太祖

竊念本朝屯否。巨業淪胥。攀鼎駕以長違。撫彤弓而自咎。默默終古。悠悠彼蒼。生此厲階。永爲痛毒。視橫流而莫救。徒誓楫以興言。別奉函題。過垂獎諭。省覽周既。

駭。惕。異。常。淚。下。霑。衿。倍。鬱。申。胥。之。素。汗。流。浹。背。如。聞。蔣。濟。之。言。僕。經。事。兩。朝。受。恩。三。代。位。叨。將。相。籍。係。宗。支。賜。鈇。鉞。以。專。征。徵。包。茅。而。問。罪。鑿。兵。接。戰。二。十。餘。年。竟。未。能。斬。新。莽。之。頭。顛。斷。蚩。尤。之。肩。髀。以。至。廟。朝。顛。覆。豺。虎。縱。橫。且。受。任。分。憂。叨。榮。冒。寵。龜。玉。毀。積。誰。之。咎。歟。備。閱。指。陳。不。勝。慚。慙。然。則。君。臣。無。常。位。陵。谷。有。變。遷。或。箠。塞。長。河。泥。封。函。谷。時。移。事。改。理。有。萬。殊。卽。如。周。末。虎。爭。魏。初。鼎。據。孫。權。父。子。不。顯。授。於。漢。恩。劉。備。君。臣。自。微。興。於。涿。郡。得。之。不。謝。於。家。世。失。之。無。損。於。功。名。適。當。逐。鹿。之。秋。可。靳。華。蟲。之。服。惟。僕。累。朝。席。寵。奕。世。輸。忠。忝。佩。訓。詞。粗。存。家。法。善。博。奕。者。惟。先。守。道。治。蹊。田。者。不。可。奪。牛。誓。於。此。生。靡。敢。失。節。仰。憑。廟。勝。蚤。殄。寇。讎。如。其。事。與。願。違。則。共。賦。洪。遊。於。地。下。亦。無。恨。矣。唯。公。社。稷。元。勳。華。嵩。降。祉。鎮。九。州。之。上。地。負。一。代。之。宏。才。合。於。此。時。自。求。多。福。所。承。良。訊。非。僕。深。心。天。下。其。謂。我。何。有。國。非。吾。節。也。悽。悽。孤。懇。此。不。盡。陳。

諭充鄆羣盜書

後唐 莊宗

夫相時達變。爲智士之良圖。擇福知機。蓋丈夫之能事。故有竄身山谷。不處危邦。今古攸同。豪傑共貫。近聞鄆州山寨。聚徒實繁。並是汴雒舊人。兗鄆奇士。見河南之失險。知僞數之必亡。厭血刃於連年。避淫刑於虐主。必想元元失所。恟恟無依。莫知投足之方。未有息肩之地。予自去冬。親提虎旅。徑取楊劉。旣獲通津。已諧大計。視逆豎而便同。凡上算梁園而已。在穀中。謝彥璋營葺。梟巢嘯聚。河上撩虎頭。而難逃碎首。伸螳臂而何暇爭鋒。今則虐使生民。決開天塹。築隄壅水。自固軍營。偷生取笑於庸夫。作事頗同於兒戲。公私塗炭。內外分離。旣板蕩以不支。固冰消而在。卽予俯詳人事。仰察天時。旣畫成謀。已圖大舉。控新羈之鐵馬。礪卻日之霜戈。屈指定期。長驅決勝。誓平國恥。須復家仇。廓妖祲於西郊。奉中興於萬葉。諸君等。或中州義士。或大國遺民。困兵革而不保田園。避殘酷而深藏溪洞。聞余義舉。計各歡然。今旣屯聚衆多。已相統屬。須自謀畫。自立功名。或則攻取城池。便可跨據州縣。因茲事勢。以決遠圖。梁寇旣西。有多虞。固不暇分兵東去。青兗則無人之。

境齊鄆則喪亂之州。彼若圖之必定成事。斯爲上策。不可後時。凡有兵機。予能接應。當俟寰區一統。海內爲家。可於所得封疆。遂其富貴之願。蒼穹白水。予所不欺。若守險偷生。潛身匿迹。終爲亡命。自棄何多。時不再來。機須速決。長謀遠算。自可擇焉。

讓契丹阿保機書

後唐 莊宗

畫野離疆。雖有華戎之別。惟忠與信不違。蠻貊之邦。契丹王氣稟貞剛。心懷仁義。爲天山之貴族。據玉塞之雄藩。恩加辮髮之鄉。威讐控弦之俗。往者降情。修好款塞。通盟各守封疆。交陳贄幣。錦車使者。嘗馳問遺之書。牙帳賢王。頗識會同之禮。關山無事。風馬有歸。青塚路邊。罕有射雕之騎。受降城北。更無遺鏃之憂。永保初終。不渝信誓。近者盧文進潛圖凶逆。苟避誅夷。苞姦蘊惡之情。何方可保有父有君之國。皆所不容。契丹王未始包藏。專聽誑惑。黨一夫之罪。惡絕兩國之歡。盟縱彼犬羊。窺吾亭鄣。徒割牛耳。難保獸心。輒將左袵之徒。幸我中原之利。見蒐兵甲。

決戰西樓。暫勞車騎。之師。佇見囊街之首。

復方訥書

南唐 徐 鉉

鉉以疏拙之性。頑滯之資。廁於人曹。無足比數。然以荷先人之業。猥踐清貫。讀往聖之書。頗識通方。累朝舊恩。漸於肌骨。至於行道濟物。立身揚名。報國士之知。成天下之務。竊不自揆。頗常有心。故膺耳目之寄。當津要之路。侃然受任。不以爲憂。而才與心違。命與運背。言出而不能悟。主身廢而無足救時。三年之中。百艱備歷。干戈擾於內地。烽火照於闕庭。奔走道路。容身靡所。當此時也。苟得耕於南畝。齊於一民。以斯終焉。尙爲幸也。而副君將聖。王道漸亨。博採遺賢。以濟多難。贊論之任。首及非才。拜命以來。翻自憂媿。何者。儲后踐納。麓之重。而處於承顏之地。有從諫之善。而立於無過之場。徒欲持稊米。以實太倉。秉燭火。以助羲御。恐不足以副上德之舉。塞故人之望也。但當正身潔己。徇公滅私。使內不媿於本心。外不違於所學而已。閣下德我。太甚。期我。太深。歷陽郡佐白君。至京。辱貺手札。慶譽優渥。勗

勵殷勤。知己之情。無以過此。然此日。副君之垂顧。乃昔時閣下。前席品題之所。致也。緘藏佩服。何日忘之。今兵難少寧。烝民未泰。頂踵利物。斯實其時。閣下高臥已久。羣望頗鬱。宣室之召。斯在不遠。勉慎興居。以副翹企。悽悽之意。遲用面諭。不宣再拜。

爲蕭給事與楚王書

南唐 徐 鉉

世事推移。長塗睽隔。違離軒砌。二十餘年。追念生平。有覩心目。伏承大王英謀奮發。妙略宏施。長驅伐叛之師。克正奪宗之罪。奉天朝之正朔。慰全楚之謳歌。成功上簡於帝心。惠澤遠敷於疲俗。風猷所及。慶快同深。儼早被恩私。今通信間。欣躍之極。倍萬常情。

答林正字書

南唐 徐 鉉

十二月日。復書正字足下。辱貺長牋。詞高旨遠。循環捧讀。欲罷不能。見顧之深。良足愧也。吾子以老成之智。蘊救世之心。一言悟主。俯拾初筮。雖位未充量。然升聞

特達超然獨異。亦古之所難也。推是而往。其道可知。鉉也不才。猥廁先達。雖復識不能見之於未兆。才不能濟之於已形。然而振天下之公議。舉天下之公器。推轂後進。心無適莫。庶幾不下於昔賢。吾子異日當知爲不妄。其古今之變。安危之勢。忽乎微哉。未可一二以言語盡也。謹俟暇日。當接餘論。聊奉還答。伏惟鑒悉。徐鉉白。

上海文書局發行

古艷尺牘

一冊

三角

古艷尺牘續編

一冊

二角

本局搜集歷代名媛艷姬尺牘得百數十通或慷慨激昂或纏綿悱惻讀之令人口頰生香爰於各名艷之下綴以小傳書以行楷刊印之精版式之雅實尺牘中得未曾有

各省中華書局經售

上海文書局發行

分類尺牘大觀

最新

乙種二十冊

一元二角

甲種六十冊

二元

是書計分三十五類詞句新

穎體格完備凡政工商學各

界酬世應用之信無一不備

平時既可研究臨時並可抄

寫只須將稱呼填上何等便

利洵尺牘中第一佳本也

各省中華書局經售



A541 212 0023 2028B

中華民國十六年九月出版
中華民國十六年九月發行



此書有著作權 必究

分售處

歷代名
家尺牘
隋唐尺牘 (全冊)

每部定價洋三角五分

編輯者 吳興王 濡

發行者 文 明 書 局

印刷者 文 明 書 局

發行所 文 明 書 局

發行所 中 華 書 局

北京 天津 張家口 保定 石家莊 濟南 太原 開封 西安 成都
重慶 長沙 常德 衡州 漢口 武昌 沙市 南昌 九江 安慶

蘇州 南京 杭州 福州 廈門 廣州 汕頭 潮州 雲南 奉天
吉林 煙台 鄭州 青島 東昌 徐州 蘭州 貴陽 長春 新加坡

